

ርእሰ ኢሳይያስ ልኡክ ሕር ተጃረት ቃረት አፍሪቀ ልትከበት



ሳላይ ሳልሕ ዓብይልቃድር

ርእሰ ኢሳይያስ አፈወርቄ፣ እብ መስከራ 'ሕር አቅሊም ተጃረት ቃረት አፍሪቀ' የምክሰ

መነ ለትመርሐ ልኡክ፣ የም 01 ኖቨምበር ቀደም አዝሀር ዲብ ዓዲ-ሃሎ እንዴ ትከበተዩ ሀደግ

ምሰሉ። ዲብላ ሀደግ፣ ርእሰ ኢሳይያስ፣ እት ፍንጌ ድወል አፍሪቀ እግል

ተሀሌ ለተከትሐዜ ሕር ተጃረት እግል ትከበቅ፣ ድወል አርዛቀን ወመቅደረት አዳመን እንዴ አትፋዘዐ፣ እት ዋውር ብንዩት-ተሕትዩት ለተከሰሰ መሳኔዕ እንዴ ትከብ፣ አፍሪቀ በደል ፈርዶት ጥራይ፣ ክሉስ ወታምም ፈርዶት ዲብ ዐዳገ ለተከሬ እቡ ቴላል እግል ልትከለቅ ክም ለአትሐዜ አተባተ።

ድወል አፍሪቀ እግል እሊ መሰል አሸቃል ዱሉያት እተ ገብአ ዲብ ወክድ፣ እግል ተምዋል ዲብ ማል ለበን መአሰሳት ካርጅ ሰበት ል'ተንከብ፣ ሕር ሕርያንን እግል ሊደዩ ክም ልትጀረሰ ለአሸረ ርእሰ ኢሳይያስ፣ ፍንጌህን መቅሬሕ ሰኒ ለበን ትሩዳት አፍሪቃያት መአሰሳት ማል እንዴ ከልቀዩ፣ ቀዋንን ፍንጌይ ወሐዲስ ንዛም ተጃረት እንዴ አትዳለዩ ወአብሸለዩ፣ ክምሰልሁም ድወል አፍሪቀ ዲብ ፍሩግ መሻሬዕ ለሸቁ ሰብ-መቅደረት እንዴ አትመሳሰዩ ከድመዩ ምን ገብእ

ናይ ሕበር ዐቦት እግል ለአምጸአ ክም ቀድረ ሸርሐ።

ርእሰ የምክሰ መኔ እግል ኤሪን እትለ ሀበዩ ሐብሬ፣ ሀደፍ ጀውሉቱ - ምሰል ርእሰ ኢሳይያስ ወብዕዳም ሰብ-መዝ ሕኩመት ኤረትርዩ፣ እብ ሰበት ሐለት መሳኔዕ አፍሪቀ ወሚጽአይ አብነት ክምሰልሁም አፍሪቀ እብ ተማመ እብ ሕበር አሰክ ተጠውር ለትቀደም እቡ አብሳር ሕር ተጃረት እግል ሀደግት ክምቱ እንዴ ፈሰረ፣ አፍሪቀ እትለ መደት እለ እት ክም እሊ መሰል ጽምዶ እግል ትእቱ ዱሊት እግል ኢትግባእ ሰበት ትቀድር፣ እግል አትናቡቱ ለሰዴ ምሰዳር ንሰአት ወክዱ አዜ ክምቱ አፍሀመ።

ልኡክ 'አቅሊም ሕር ተጃረት ቃረት አፍሪቀ' ሐቀ እሊ፣ ተድብር ማይ ወአርዛቅ ብዕድ ለለርኤ፣ ዲብ ዐዲ-ሃሎ ልትዐመር ለሀለ ሐርሰ መሰኖ ዐሬ።

ርእሰ ኢሳይያስ፣ እግል ሻምፕዮን ዐጀላት አፍሪቀ ሄኖክ ምሉእ-ብርሃን እንዴ ትከበተ አትናየተዩ

ርእሰ ኢሳይያስ አፈወርቄ፣ እግል ሻምፕዮን ብድረ ዐጀላት አፍሪቀ 2024፣ ፕሮፌሽናል መትባድራይ ሄኖክ ምሉእ-ብርሃን፣ ማሌ ዲብ ዐዲ ሀሎ እንዴ ትከበተዩ አትናየተዩ።

ርእሰ ኢሳይያስ፣ እግል ሄኖክ ፈድላ ዲብ ታሪክ ዐጀላት ዐድነ ወቃረትን አፍሪቀ ምዕራፍ ሐዳስ ለከሰተ ዐውቴሁ "አሰናይ" ሐቀለ ቤሌ፣ ዐድነ ዲብ መጃል ብድረ ዐጀላት ራክብተ ለሀሌት ሕሸመት ለነውር ክምሰልቱ እንዴ ሸርሐ፣ ዲብ እለ ዐድ ክዝንት መቅደረት ሰበት ሀሌት፣ ዲብ ብዕድ ጅንሰ ርዶዶትመ መትአያስ እንዴ ገብእ እግል ልትሸቁ ክምሰል ቡ ሐበረ።

ርእሰ ኢሳይያስ እንዴ አትሉ፣ ሄኖክ እብላ ሰጃለ ለሀለ ዐውቴ

እንዴ ኢልትሀመል ምን አፍሪቀ ወኬን ዐባዩ እንድንያይ መራሕል ወሰክ ታሪክ እንዴ ሸቀ፣ ሰሚቱ ወሰሚት ዐዱ እግል ልወቅል ክምሰል ቀድር ልቡተ እምነት ሸርሐ።

ዲብላ መፈወድ ዓዳት ወርዶዶት ሰፊር ዘመዴ ተክሌ ለሐድረ እተ መናሰበት፣ ሄኖክ ምሉእ-ብርሃን፣ እግል ሳልሳይት ኢነት እግል ተዐወተ እበ ፍሌንዮት ሻምፕዮን አፍሪቀ 2024፣ እግል ርእሰ ኢሳይያስ አፈወርቄ ሰለመዩ።

ሻምፕዮን አፍሪቀ 2024 ፕሮፌሽናል መትባድራይ ሄኖክ ምሉእ-ብርሃን እግል ኤሪን ዲብላ ሀበዩ ሐብሬ፣ እብ ርእሰ

ኢሳይያስ ለገብአ እሊ አትናየት፣ ዲብ ምስተቅበል ዲብ እንወድዩ ጅግራታት ወሰክ ቅወት ክምሰል ለሀይቡ አፍሀመ።

ሄኖክ ምሉእ-ብርሃን፣ ዲብ ሰነት 2022 ዲብ ሻርም አሸክ መሰር፣ ዲብ ሰነት 2023 ዲብ አክረ - ጋቴ ዲብ ሰነት 2024 ሀዬ ዲብ ኤልዶራት - ኬንዩ ደርብ ሕድ ሻምፕዮን አፍሪቀ እንዴ ገብእ፣ ዲብ ታሪክ ዐጀላት ዐድነ ወአፍሪቀ ምዕራፍ ሐዳስ ክምሰል ከሰተ ልዘከር።

ርእሰ ኢሳይያስ፣ ምን 9 አሰክ 13 አክቶበር 2024 ዲብ ኬንዩ ዲብላ ገብእ ጅግራታት ሻምፕዮን ዐጀላት አፍሪቀ፣ እብ



ሰላሊ ሳልሕ ዓብይልቃድር

ክልኢቱ ጅንሰ 7 ደሀብ ለብእቱ 16 መዳልያት እግል ትሰርገ ወጠንያይ ፈሪቅ ብድረ ዐጀላት

ኤረትርዩ፣ ዲብ የም 15 አክቶበር እንዴ ትከበተ ክምሰል አትናየተ ለልዘከር ቱ።

ወዘረት ፎዘዩ ሃሸም፣ ሕፍዘት ቅዩም ዲብ ወራታት ዐድል ለከሰሰ ሰሚናር ወዴት

ወዘረት ዐልድ ፎዘዩ ሃሸም፣ መጅተመዕ አሳሰ ለወደ፣ ናይ አሰል ሰዋልፍን እግል ልትደመን ለሸከራቱ ንዛም ዐድል እግል መዲድ ለአመመ ሰሚናር ዲብ ዐሰብ ወዴት።

ዲብ እሊ ክምሰል ክፋል ናይለ እብ ደረጀት ወጠን ገብእ ለሀለ ሰሚናራት ዲብ የም 4 ኖቨምበር ለገብአ ንቃሽ፣ ዐባዩ ዐድ ወሰብ ገጽ ናይ 30 እዳረት ደዋዩሕ

አቅሊም ግብለት በሐር ቀዩሕ ሻረከው።

ወዘረት ፎዘዩ ዲብ ቀደመቱ ሸራሕ፣ ዐድል ዲብ መጅተመዕ ኤረትርዩ፣ መትሰዳዳይ፣ መሕበራይ ዋጅባት፣ መሕበራት መቅርሕ ወረሕመት ሕድ፣ ዲብ ልብል መባድእ ለተከሰሰ ክምቱ እንዴ አሸረት፣ እግል ቀዳማይ ወቀይ ዐድል ላቱ አከዶት ሰላም ወሰኒት እግል አከዶት፣ ዲብ መጅተመዕ ናይ ዐቅል ወዳር ዐገብ እግል

ሳረዮት፣ ንዛም እግል ሕፍዘት፣ ክምሰልሁም ምን አሰል ለጸንሐ ሰዋልፍ እግል አድመናት ለከድም አግቡይ አዳላይ ክምሰል ለትሐዜ ወደሐት።

ወዘረት ፎዘዩ እንዴ አትሉት፣ እሊ ለትብሀለ አግቡይ፣ መሕበራይ መራቀብት፣ ፍቴሕ ወሰርዐት፣ ክምሰልሁም ዋቅዮት መሻረከት ገብል ለሸምል ምን ገብእ፣ ሃድእ ወደሐት ለተሐፊዘት መጅተመዕ እግል ብንዩት አሳሰያይ ክምሰልቱ

አፍሀመት።

ዲብ ደንጎበ ሀዬ ዐድል ዲብ ኤረትርዩ ምሰልነ ለነብር ሰርዐት ሰበትቱ፣ መሻረከት ናይ ክሉ እንክር እግል አደቀቦት፣ ቅዩምን ወፍገራት ወጠንያይ ንዳልነ ዲብላ መጽእ አግማም ለልትዐዴ እቱ፣ ለልትሐፊ ወደማን ለረከብ እቡ ምሀም ዶር ለሀሌ እሊ ወቀይ ሰበት ቱ፣ እብ መትአያስ እግል ልትከደም እቱ ትፋኔት።

መሻርከት እብ ጀሀቶም፣

መጅተመዕ ለአሳሰ፣ እብ ደረጀት ወጠን ናይ ሕበር ፈሀም ለቡ አግቡይ እግል አዳላይ ዲብ ገብእ ጸገም ዶርም ክምሰል ለዓቡ አከደው።

ዲብ እጅተመዕ፣ ሓክም አቅሊም ግብለት በሐር ቀዩሕ ሰፊር መሐመድ-ሰዲድ መንታይ ወሰክርቴር ጀብሀት ሸዕብዮት እግል ዲሞቅራፕዮት ወዐዳለት አሰይድ ረዘኔ ሚካኤል ሸሩካም ዐለው።

አስመራ፡ ዲብ ወጠንያይ እምተሓን 8ይ ፈሰል ንቀጥ ውቁል ለረክበው ደረሰ ልትሰርገው



ሰፊ የ-ናታን የዕብዮት

ዲብ መዲናት አስመራ ለህለዩ መዳርስ ምግባይት ደረጃት ዐዲ አቤቱ፡ ፍሬ ሰላም፡ እምበጠቀረ፡ ዋርሳይ ወበሕቲ መስከረም፡ ዲብ ወጠንያይ እምተሓን 8ይ ፈሰል ሰነት ድራሰት 2023/2024

ንቃጥ ውቁል ለአምጽአው ደረሰህን ሰርገዩ። ዲብላ ዲብ የም 29 አክቶበር ክምሰልሁመ ዲብ የም 2 ወ3 ኖቨምበር ለገብአት ዓደት፡ ምን 80 ምእታይት ንቅጠት ወቅል

ለአምጽአው እብ ጀሚቦ 192 ደረሰ ጀዋእዝ ነስአው። መ-ደረእ ናይላ መዳርስ ዲብ ቀደመወ ከሊመት፡ ደረሰ እግለ ረክበው ንቀጥ ክምሰል መዐደዶት ስለል እንዴ ትንፈወው። ዲብ

ተሌ ሄራር ድራሶም እብ ክእለ ሐለቶም እግል ልሸቀው። ዋልዴን ህዩ መታብዐቶም ወአትናቶም እግል ለአተላላት ፋ-ነው። ሙዲረት ምዴርየት

ዐዳገ ሐሙስ አሰይደ ሰሊሐ መሐመድዐሊ ወሩአሰ ልጅነት ዋልዴን ናይላ መዳርስ እብ ጀሁቶም፡ ደረሰ ለሰጅለው ነጅሕ ጀምቦ ፍገራት ጅህድ ደረሰ፡ መደርሰን ወዋልዴን ክምቱ እንዴ አሸረው፡ ዲብ ምስተቅበለ እበትወቀለት ደረጃት እግል ለአተላላት ትፋነው። መሰሉል ተዕሊም ግብለት ምፍጋር ጸሓይ አስመራ መምህር አብረህለይ አረፋይኔ ህዩ፡ ክምሰል እሊ አትናቶት፡ እግል ብዕዳም ደረሰ ወዋልዴን ዝያደት ቅንእ ሰኔት ለክልቅ ክምሰልቱ ሸርሐ። እሊ ክእን ዲብ እንቱ፡ ዲብ መድረሰት መአንብታይት ወምግባይት ደረጃት ፍረሰላም፡ ዲብ ወራት ደረሰ ወአድረሶት ለህለ ብቆ ወሐዋን እንክራት ወመሐገዝ ለጌመም ሰላሰየት መዋጀህት ዋልዴን፡ መደርሰን ወደረሰ እግል አደቀቦት ለአመመ ልቀእ ወደው።

መሕበር ፈርማሲ ኤረትርዮ፡ እግል ደማነት መትነፈዕ ደወ ለክሰስ ተዕቢአት ወዴ ህለ

ፋርማሲያይ መሕበር ኤረትርዮ፡ “ፋዜዕ ሔርያን እምን አሳሰ እግል ደማን ለቡ መትነፈዕ ደወ” እብ ትብል ስቅራት ምን የም 4 አሰክ 10 ኖቨምበር ለተአተላሌ ሳምን ደወ ወእድንያይት ሳምን ደማን ለቡ መትነፈዕ ደወ ወዴ ህለ። ለሳምን፡ ዲብ መአሰሳት ዓፍየት ዐድነ ለልትነሸር ሐብሬ ለህህይብ ክቱቡ እብ ዒማት አክባር ወመሕበራይ ወሳእል ለልትነሸር መሓደራት፡ ክምሰልሁመ ናይ ተዕቢአት ወራታት ለሸምል ቱ። በዐልመንበር መመቅረሓይት ልጅነት ናይላ ሳምን አሰይድ



አማንኤል ኣርን ኣማንኤል ኣርን እግል ኤሪን ዲብ ሀበዩ ሐብሬ፡ ህደፍ ናይላ ምሰል ናይ ሸቅል ሰብ ሸርከት እት ትትዓወን ገብእ ለህለ ወራታት።

ዲብ መጅተመዕ፡ ዳወየት ዋቂ ወደማን ለቡ ራቴዕ መትነፈዕ ደወ እግል አትናቶት ለሔሰ ፈህም እግል ከሊቅ ክምሰልቱ ሸርሐ። አስክ እሊ እግል ራቴዕ መትነፈዕ ደወ ዲብ መጅተመዕነ ለትክሰስ ሳፍየት ወሲቀት በሐሰ ምንመ አህሌት፡ ፈህም ሸዐብ ዲብላ ሔሰት ደረጃት ክምሰል ህለ ለአሸረ አሰይድ አማንኤል፡ መትነፈዕት እግል ትቀረረ እሎም ደወ እብ አሳሰ መምሬሕ ወሐብሬ ሰብ መቅደረት እብ ዋጅብ እግል ልትሐፈዝ፡ ተረርፍ ወወቅቱ ለሐልፈ ደወ እብ ዋጅብ እግል ልምነ፡ ደረር ለኢተአመመት ፍገራት ዲብ ሳድፍ እቱ ህዩ እብ ሸፋግ እግለ ከሰስ ጀህት እግል ለሐብር አትፋቀደ።

አቅሊም ጋሽ በርከ፡ ሐረሶቶት ቀደም ዝላም መቀየም አካሎም እግል ልብተኮ ተሐበረው

ሐረሶቶት ጋሽ በርከ፡ እት ኢሒነ ለትዘልም ዝላም ምን እግል ትሰብቡ ለትቀድር ደማር እግል ልሰለዋ፡ እተየም እት ዶሉ እግል ለአክቦ፡ ክምሰልሁመ ለተአከበ እተይ ወቀንበለ ሰኔ እግል ልሕፎዱ መትፋቀዲ ቀርቡ። የም ዓመት፡ መትመዳደ

ክምሰል ትነሰአት፡ ክምሰልሁመ ዲብ በርከት እተይ ለሰዴ ተአሂል ክምሰል ተህየቡ፡ ወዲብ አፍሰሶት እተይ ፍገራት ሰኔት ክምሰል ትረከቡት እንዴ አሸረ፡ ምን ብቆት ናይላ ዲብ ኢሒነ ለትዘልም ዝላም እግል መትሰላም፡ እዳራት እት ሰዳየት ሕገዛም በዳሪት ነሰአ



ፋዴሕ ወቅያሰ ሰኔ ለዐለት ዝላም ክምሰል ዘልመት፡ እብ ፈድሉ ህዩ ዲብ መብዘሐ ባካት ሰእየት ሰኔት ለቡ ቀይም ክምሰል ህለ ለሐበረ፡ ሙዲር ዓም ቅሰም ሐርሰ ምድር ወማይ አሰይድ አቡበከር ዐሰማን፡ እትሊ ወቅት እሊ ሸባ እት ኢወቅተ ለተዘልም ዝላም ትትረኤ ሰበት ህሌት፡ ሐረሶቶት እግል ልደገገ ተሐሰቡ። ህቱ፡ ዓም ሓለት አዝረአት መሰኢት ዝላም ቀይም እንዴ አሸረ እግል ኤሪን እተ ሀበዩ ሐብሬ አሰይድ አቡበከር፡ ዝላም ቀይም እንዴ ትኢመጽእ፡ ዲብ ፋዴሕ ድዋራት ቡቲክ ክምሰል ገብኡ፡ ዓታብ አንበጠ ዕጩ እግል ራቀቦት፡ ዲብ 13 ምዴርየት ምስዳር ሰርግልት

ክምሰል ህለዩ አፍሀመ። አስክ እሊ ዲብ ዘርእ ደማር ለአጅሬት ዝላም ቀይም ምንመ ኢሳደፈት፡ ሸባ ትዘልም ሰበት ህሌት ወእግል ተአተላሌ ሰበት ትቀድር ሐረሶቶት ምሰል ወቅት እግል ልትባደር እት ለትፋቅድ፡ ፈድላ ዐለት ሰኔት ዝላም ከረም ወጅህድ ሐረሶቶት ለትረከበ እተይ ዲብ እዴ ሰብኡ እንዴ ኢበጽሕ እግል ኢልእኩ፡ ለትመቀረሐ አግቡይ አከቦት እተይ እግል ለህሌ ትላኩ። ዲብ አቅሊም ጋሽ በርከ የም ዓመት ዝያድ 272 አልፍ ሄክታር ክምሰል ተሐረሰ ወወራት አተየት ፈርያት እምቡት ክምሰል ህሌ፡ ወሳይቅ ቅሰም ሐርሰ ወአርድ ናይላ አቅሊም ለሐብር።

ጸጸትርዮጳዳክ

ክል አርቡዕ ለትጠብዕ ጀሪደት

መዳልያይ፡-
- መሐመድ እድሪስ

ለይአውት ወአርተያት
* ዘህረ ዐሊ
* ፋዋን አድም

ተለፎን፡ 121797/07121322
ፋክሰ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመርት፡
ተለፎን፡ 125013፡ ዕ.ሰ.ቡ፡ 1284

ፈርማሲያይ መሕበር ኤረትርዮ፡ ምህነት ዕሉም ደወ ዲብላ ትወቀለት ደረጃት እግል አብጸሐት፡ ፍንጌ አንፋር ናይላ መሕበር ናይ ተሐይስ ተሐምቅ አርድየት እግል አዋፍሐት፡ ወቅቱ ወደረጃቱ ለሐፍዘ ናይ ደወ ሐብሬ እግል ሕሰራም አቅረቦት፡ ራቴዕ መትነፈዕ ደወ አትናቶት፡ ክምሰልሁመ ምሰል ብዕዳም መሓብር ሰብ-መቅደረት ሸራካት እንዴ ትክለቀት ሸዐብ ለሔሰት ክድመት ዓፍየት ክምሰል ረክብ እግል ልግበእ፡ ለልብል አህዳፍ እንዴ ጸብጠ፡ ዲብ ወሬሕ ኣጎሰት 1992 ለተአሰስ ሐድ 400 ነፈር ለከምክም መሕበር ቱ።

ሊሕላዩት



ለእብ ዝላም ከረም እንዲ ሸትራ፡ ጋድሞታቱ ወኣድብሩ እብ ኣሰዕር ወኣቀዋፍ ክምሰልሁ መ እብ ለትፈናታ ጅንስ ኣካል ሀወል ወዲ ለዐለ ረወራት ወሐሶዮት፡ ሒን ጽብሐት ሰበት በደለዩ፡ ለኣክደር ሕብር እግል ልትሸጋሬ ኣንበተ፡ ፈርዖትም ለትፈናተ ሓባር እንዲ ትሰርገ ኣጭረዋርሐ፡ ሰብ ንዋይ ምና እክሩማም ዲቡ ለዐለው ምድር ሕፋን ኣሰክለ ጋምል ሮራ ተንክረው።

ሐረሶቶት ሮራ እግል እብ ሸኒር ወሸንጎይ፡ ዕፋን ወማሽሌ ሀወል ወዲ ለዐለ ግርሆም እንዲ ትፈረረው ዲብ በትት ወለዐጭዶ እብ ኣሰማው ወደው። ሰርም ወደኒቶም እት ለሐሰሕሶ፡ ሰርም ዲብ ፋይሎ ወዲብ ጨንግዮ፡ ሰርም ዲብ ለኣከይዶ ወዲብ ቤብር ዶል ትርእዮም ለወቅተ ቀይም ነፍስ ትፈትዩ ወክሉ ልትለወቅ እግል። ምናታ ኖራይዲ ለውቀቱ ወሀሙሙ ብዕድ ዐለ።

ሮራ ክም ፈገርኮ ኣሰልፍ ዲብ ኖራይ መለሀዩ መጽእኲ። ለናይ በዲር ድግምና እግል ንዳግም ወነኣኪ ዲብ እተምኔቱ ህዩ፡ ኖራይ ሐዳስ ሕላዩት እንዲ

ለኣሰመዐናተ ሐሰብ ወዐይብ እንቤሉ። ህቱማ ረቢ ልባርኩ ምራድና ኣትመመ እግል። ለሕላዩት እብ ሙሲቃተ ሐነን ዲብ ትብል ክምሰል ሰምዐኩው፡ ኣናመ ሸዑርዬ ክምሰል ኖራይ



ወሰክ። ምሰል ኖራይ ህዩ እግል ሕለዩ ኣንበት። ለሕላዩት ፍርሰነት ወኤማን ናይለ ጀላብ ሕርዮት ወእሰትቅላል ኤራትርዮ ምን ዐድ ከደን እንዲ ፈግረው ናድሎ ለዐለው መሔርበት ለትሸርሕ ሰበት ዐለት፡ ምን ቅያስ ወለዐል ዐጅብተና ወፈቱናህ። ምራድነ

ዲብ ቀበትለ መዐስከሮም እግል ዕጫይ ዲብ ምድር እንዲ ተክለው ለመንዲረት እብ ሃድእ ሸማል ረፍርፍ ዲብ ህሌት ዝያደት እብ ምናድሊን ንጀዙብ ኣው ንሰሐብ ዐል። ለምናድሊን እግል መንዲረት ምን መርከቦም እንዲ ኢከፍው ሰብኩ እብ ወላግም እት ህለው ኣምዕል ሐቱ ዲብ ዓሲመትነ ኣሰመረ ክምሰል ተኩለ ሸክ ይዐለ ኣሎም።

ለሕላዩት ሸዑርና ሰበት ወቀለት ክምሰል ብዕዳም ሸግን ዲብ ሰውረት እግል ንፍገር ከእግል ኒሙት ወንቅተል ምንመ ተምኔና፡ ነኣይሸ ሰበት ዐልና ለሙናድሊን እግል ኢልእበው እግልን ፈርሀ። ኖራይ ላታ ይእትከራዕ ቤሉ፡ እት ሰውረት እግል ልፍገር ህዩ ነው። እብሊቱ ህዩ ሐቆ ናይ ሰልኣሰ ሰነት ዲብ ሰነት 1980 ዲብለ ልተምነያ ወልትሀገን ለዐለ ሰውረት ለተሀርበዎ። ኣክለ ለሕላዩት ሰምዐኩ ህዩ ኖራይ ቀደም ዕንታቹ ትዋሰፋ እግል። ለሕላዩት ክልዶል ኣክለ ደገምኩዋ ወሐሌኩዋ ህዩ ዕንታቹ ክምሰል ንኡሻይ እብ እንቤዕ ጀመም ወዲ ወልትመዩስ ዐለ። ለሕላዩት ኣክለ ሐሌኮ ዝያደ

ለኣፈትዩ መለሀዩ ወሰነቹ ኖራይ እግል እርኤ ዐለት። ኖራይ እግል እርኩብ ትሰኣልኮ ወኣተንተን። ላኪን ኖራይ ክበሩ ወረኣሱ እግል እርኩብ ኢቀደርኩ። ለቀደም 14 ሰነት ኣነ ወኖራይ ምሰል ነሐልዩ ለዐልነ ሕላዩት ኣክለ ፈቀድኮ ሰፈላልዬ ዜደት፡ ትሰራብብኩ ወትሰፋለልኮ ኖራይ እት ቀደም ዕንታቹ ትዋሰፋ እግል። ላኪን ኖራይዲ ኣባዩ ኢሸቤ።

ኖራይ ለፋግር እግሉ ለዐለ ዳይ ክምሰል ኣትመመ ዲብ ግርበት ሰነት 1990 ሕርዮት ዮም መፈጅር ትትበሀል ዲቡ ለዐለት ወክድ ዲብ ጀብሀት መንሰዕ እብ ኤማን ወፍርሰነት ዲብ ልትኣረብ ክምሰል ኣሰተሸሀደ፡ ዲብ ሐራ ለረኩብኩዎ ሐብሬ ኣመርኩ። ኣቤ ኖራይ ፍዘ ሸዑብ ወወጠን ሰቢል ገኡ፡ ኣሰተሸሀደ። እግል ቀደሙ ወግራሁ ለሐልፈው ዐሰርታት ኣላፍ ሹሀደእ ኣግመለ። ለሕላዩት ላኪን ዲመ ይእትረሰዐ። ኣክለ ሰምዐኩው ኣሰልፍ ዲብ ቀደም ዕንታቹ ለልትካዩል እዩ ሸሂድ ኖራይቱ። ለሕላዩት ህዩ ክእነ ትብል።

ኮኩብ ለበ መንዲረት ክምሰልሁ መ እብ ሮሳሰ ወቅሸን ለትክለለት ዕላመት ጀብሀት ሸዕብዮት ክምሰል ረኡኩ፡ እሊመ ዝያደት ዐጅቤኒ።

እብሊቱ ህዩ ኣናማ ለሕላዩት ዝያደት ሰበት ኣትሻኩተኒ። ሐቆ ሰሰ ወራሕ እግል ኖራይ ዐሬኩ። ምናተ ላኪን ኣና ወኖራይ ክልኢትነ እት ሰውረት ምንመ ዐልነ ቅሰመት መርኢት ላታ ኢገብኦ ዲብ። ኣርትነ ሰሕል ወኣርትነ በርከ በጽሑኒ። እምበል ክልኤ ዶል እብ ጀዋብ ህዩ እግል ንትራኩብ ኢቀደርኩ። ዲባ ሓርዮይ ጀዋብዬ ለበዲር ዲብ ሮራ ዲብ ሕነ ነሐልዮ ወሸዑር ወጠንን ለወሰከት ወደርብ ንዳል ለሐሰረተነ ሕላዩት ዲብ ጀዋብዬ እንዲ ከተብክዋ ኣሰክ ኖራይ ነድኣኩዋ። ህቱመ ዲብ በሊሱ ክሉ ፍሬል ሕላዩት እብ ሐትሐቱ እንዲ ፈሰረ ነድኣዩ እቹ። ለሕላዩት እብ ፈናን እድራሰ መ/ዐሊ ለትትሐሌ ሕላዩት ተ። ክእነ ህዩ ትብል።

ሐቆ መሪር ወድቁብ ሕሩባት ወሐቆ ቃሊ እሰተሸሃድ ለክሉ ሸዑብ ኤረትርዮ ብገሱ እግል ለዐለ ሕርዮት፡ እት ዮም 24/5/1991 ክምሰል መጽእት፡ ለዐቤት ትምኔቹ

ምሰል ሐውዬ ሐይሰኒ

ሕደገኒ ሕደገኒ ምሰል ሐውዬ ሐይሰኒ
ሕደገኒ ሕደገኒ ምሰል ሐውዬ ሐይሰኒ
ምሰል ሐውዬ ሐይሰኒ ኤራትርዮ ተኣክለኒ

ምሰል ሐውዬ ሐይሰኒ ኢሙት ምሰሎም ወእንበር
ምሰል ውላድ ሐይሰኒ ኢሙት ምሰሎም ወእንበር
ምን እመይት ደፍኑኒ ቀብር ሰኒ እትቀበር
ወምን ህሌ ሐውዬቶም እጃለሶም እት መሕበር
ህጅኩም ወለሰኣቆም ጠዐመ ዲብዬ ምን ሰከር።

ሕደገኒ ሕደገኒ ምሰል ሐውዬ ሐይሰኒ
ሕደገኒ ሕደገኒ ምሰል ሐውዬ ሐይሰኒ
ምሰል ሐውዬ ሐይሰኒ ኤራትርዮ ተኣክለኒ

ምሰል ሐውዬ ሐይሰኒ ኢሙት ምሰሎም ወሕዬ
ምሰል ውላድ ሐይሰኒ ኢሙት ምሰሎም ወሕዬ
ደብር እመን መስኩብዬ እሰኔ ዲቡ ወእኬ
እሰእንዬ ኡብርት ተ ዲብ እግርዬ ትትመዬ
ህግያዬ ደህርት ተ ሰመዐ ምንዬ መለሀዬ።

ሕደገኒ ሕደገኒ ምሰል ሐውዬ ሐይሰኒ
ሕደገኒ ሕደገኒ ምሰል ሐውዬ ሐይሰኒ
ምሰል ሐውዬ ሐይሰኒ ኤራትርዮ ተኣክለኒ

ምን እመይት ወሐዬ ምሰል ሐውዬ ሐይሰኒ
ምን እመይት ወሐዬ ምሰል ውላድ ሐይሰኒ
ደብር እመን መስኩብዬ ምር ብላይ ኣክለኒ
ሰሩ ንጻፍ ገብእ እዩ ወለ ሰሩ ከድኒኒ

ሕደገኒ ሕደገኒ ምሰል ሐውዬ ሐይሰኒ
ሕደገኒ ሕደገኒ ምሰል ሐውዬ ሐይሰኒ
ምሰል ሐውዬ ሐይሰኒ ኤራትርዮ ተኣክለኒ

ገናቮቹ ትክለሰት ተሐቤዕ ይህሌት ወትሰትር
ኣናብዕዬ ትክለሰ ዲብ ክል ኣካን እት ቀዋር
ሐድገውኒ ግራህም ሰክቦ ህለው ሐን ምድር
ውላድ እንዲ ታሌነ ገድም ኣባይ ግል ነኣፍግር
ሕደገኒ ሕደገኒ ምሰል ሐውዬ ሐይሰኒ
ሕደገኒ ሕደገኒ ምሰል ሐውዬ ሐይሰኒ
ምሰል ሐውዬ ሐይሰኒ ኤራትርዮ ተኣክለኒ



ሐቆዘ ለትክብቲኒ። ለሕላዩት ኣክለ ሐለ ዕንታቱ ልትማለእ ወደሚሩ ተውሰ ዐለ። ኣናመ ለሕላዩት ለሀ እትለ ሰነት እለ በህለት ሰነት 1977 እግል ሰልፍ መረት ቱ ለሰምዐኩው፡ ኣሰልፍ ምን ኖራይ ወሐር ምን መሰጀል። ኖራይ ለሕላዩት ለሀ ኣክለ ሐለ ዕንታቱ ልትማለእ ወሸዑር ወጠኮ ዘይድ ዐለ።

ሐቱ ኣምዕል ኣነ ወኖራይ ለሕላዩት እግል ነኣተንሴ ኣሰክለ በዐለ መሰጀል እንዲ ጊሰነ እግል

ህዩ ክምሰል ልትሐለው ለዐለው መሔርበት እግል ንግበእ ተምኔኒ። ለወክድ ለሀይ ብዝኣም ሸግን ኣሰክ ሰውረት ልትሀርበዮ ለዐለው እቱ ኣውካድቱ ለዐለ።

ምናድሊን ጀብሀት ተሕሪር ኤራትርዮ እግል ሰታይት ወእት ምግብ ቅሸን ወግሬ ለብእተ መንዲረት ኤራትርዮ ዲብ ምር ረዩም ዕጫይ እንዲ ሰቅለው ለኣሴር ዲብ ህለው ዝያደት ለዐጅብነ ዐለው። ለምናድሊን እተ ለግርፎ እቱ ወክድ ህዩ እግል መንዲረት

ትሰራብብኩ ወትሰፋለልኩ። እብሊቱ ህዩ ኣናመ ግረ ኖራይ ለምድር ጸቢጩ ኣበ።

ሐቱ ፈጅር ምን ዐጂ ኣሰክ ሰውረት ወእብ ፍንቱይ ኣሰክ ጀብሀት ሸዕብዮት ትወክልኩ። ጀብሀት ሸዕብዮት ዲብ ሳሕል ወጀብሀት ተሕሪር ህዩ ዲብ በርከ ዐለው። ሳሕል ክምሰል ትክሬኮ ላኪን ለብዲር ዲብ ሮረ ሐባብ ኣምረ ለዐልኮ መንዲረት ጀብሀት ዲብ ሳሕል ብዕደት እብ ኣርበዕ ሕብር ለትለወነት ወእት ምግብ

ሰራሪ: ሳልሕ ገመ
ሙሰውር: ክብርም ጸሃዩ

ቴሌቪዥን ስራ ምድርየት ከርከበት



መምህር ማሳሙድ እድረሰ

እተ ሐልፊ ወክድ አስክ ምድርየት ከርከበት እንዴ ተሐረክኩ፤ እብ ሰበት ዐግሎ ተዕሊም እት ምድርየት ከርከበት እግል ልወዴኸ እግልነ ሙደርሰ መሕሙድ እድረሰ መሰኡል ተዕሊም ምድርየት ከርከበት እንዴ አመሕበርኩ፤ ተዋልል ተዕሊም ለከሰሰ ሃድጋም ምሰሉ ዐለኩ፤ ታምም ጸብዋ ዲብ እለ ናይ ዮም ጥብባብን እንቀድሙ እግልኩም።

ተዕሊም ዲብ እለ ምድርየት ክም ክሉ ናይ ኤረትሮፕ ምድርየት ምን ሰነት 1992-2009 ቱ መትመዳድ ለበጽሐ። ሰልፍ ለአንበተት መድረሰት ዲብ ሰነት 1992 ለአንበተት እት ገብኤ፤ ለደንገረት ህዩ ዲብ ሰነት 2009 ለትአሰሰት መድረሰት፤ ክም ክልፍየት ተዕሊም ወደፊደት እለ ሽቦብ ናይ እለ ምድርየት፤ ወለ ዲብ መደት ሰውረት ሐንቱ ሰውረት

ምንመ ልትብህል ምሰል ብዝሐ መዳርሰ ወብዝሐ ሽቦብ ለህሌት መሻረከት ድህርተ ለህሌት። እለ ለገብእ እቡ አሰባብ ወመሻክል ህዩ ብዙሕቱ። ገሌ ምኑ ሽቦብ እተ እግል ልትከምከም እቱ ለወጅቡ ባኮት ልሰዕ ክምኩም ሰበት ኢህሉ፤ ናይ ማይ መሻክል ሰበት ህለ እግሉ ወእምበል ማይ እግል ልንበር ሰበት ኢቀድር፤ ናይ ኢመትከምከም መሻክል ህለ። ከምሰልሁ መዳርሰ ልትብኔ እት ህለ እምበል ድራሳት ሰበት ተአሰሰ ክም መሰል ዲብ ከረ ድርፊ። ሽቦብ ክምኩም እቱ ለህለ ወመዳርሰ እሱሰ እቱ ለህለ መሻክል ህለ እት ሙሰተቅበል እግል ልትሐሰብ እቱ ለወጅቡ።

እትለ ምድርየት ለህለ መዳርሰ እብ ሰለሰ ሀገራት፤ ለልኦርሱ ትግሬ፤ ዐረብ ወብዳዌት። ዲብ እለን መዳርሰ ለልኦርሶ ሐድ 120 ሙደርሰን ህለው። ለደረሰ

ናይ ሂገ እም ሳልሳይ ፈሰል ናይ ትግሬ ወብዳዌት አክትብት ንቁሰ ህለ ከምሰልሁ መዳርሰ ናይ ዐረብ አክትብት መሻክል ህለ። እምበል እለ መምርሕ ናይ ሙደርሰ ለአሰቡ አክትብት መሰት ህለ እለ መ ክም መሻክል ለሳድፍቱ።

ምሰል መትመዳድ መዳርሰ ለኩጀት ዶል ትትቀየም፤ ዲብ ጀነራል ምን ቀደም 12 ሰነት እንዴ አንበተው ደረሰ ናይ እለ ምድርየት ሻርቲ ህለው። ዲብ ናይ 12 ፈሰል እግል ልሻርቲ አስክ ሳወ ለገይሶ ላኪን ቀደም ዮም ዓመት ለደረሰ ናይ ካልኦይ ደረጃት ተዕሊምም እግል ለአተላላ- አስክ አሰማ፤ አቁርደት ወፎርቶ ሳወ ልትለክት ሰበት ዐለው። እብ ሰም ናይ እለን ለትሰመየ መዳርሰ እንዲኢትን እብ ሰም መድረሰት ከርከበት ገይሶ ኢጸንሐውኒ። እትለ ሰነት እለ ላኪን 37 ደውረት ክድመት

ዲብ ረውዳት 36 % ዲብ መአንብታይት 33% ዲብ ምግባይ ደረጃት 26% ወዲብ ካልኦይት ደረጃት 2.6% ተ ለህሌት እለ ህዩ ምን ተሐት ገጽ ለዐል እንዴ ገይሶ ዲብ ኢህለዮት ትትከሬ ህሌት። እለ እግል አሰነዮት ወሰጅዮት እብ ደረጃት አቅሊም ክም ምድርየት ከርከበት፤ ሰልዐ ወፎርቶ ሳወ ዲብ ለህለዮ አዋልድ እግል አትናዮት ናይ ሰላዲ ወዘይ (ዲቪዛት) ፍንቱይ ናይ መዳርሰ ልትሆብ። እምበል እለ ናይ መሰጃሊ ርሱማት እንዴ ኢተርፍ ምን ደፊዕ ለትመሐከያመ ህለዮ። ሕኩመት ክሉ ትውዴ ምንመ ህሌት ፈሃም ናይ ዋልዴን ላኪን ልሰዕ ደረጃት በጽሕ ኢህላኒ።

መሻረከት ናይ አዋልድ እብ ምር ጃንብ ወናይ ውላድ ወአዋልድ እብ ዓመት ዶል ትትርኤ። አንበቶት ወአትካራም ለዐበ መሻክል ውዛረት ተዕሊም



ሰራሪ ክብርም ጸሃዩ

ክም ሕፋር ባኮት ትትሐሰብ ምንመ ዐለት ብዙሕ መትመዳድ ለቡ በክት ተዕሊም ላኪን ኢረክበት። 95% ከደማት ተዕሊም ሐቕ ሕርየትቱ ራክቡቱ ለህሌት።

እትለ ወክድ እለ ህዩ ሐድ 31 መአሰሰት ተዕሊም ብኩዮት እተ ህለዮ። እለ በህለት ረውደት 4፤ መአንብታይት 15፤ ምግባይ ደረጃት 6 ወካልኦይት ደረጃት 1 መድረሰት ክድመት ለህይብ ህለዮ። መዳርሰ ዐረብ ለከሰሰመ 5 አካን ዲብን ልትሆብ ህለ። ምን እለ መዳርሰ እለ 12 መድረሰት ሌጣተን ብነ ሰኔ እንዴ ገብእ እግልን ለአደርሰ ለህለዮ፤ ለተርፊዮ መዳርሰ ሐንቱ ዳሳት ለአደርሰ። እለ መዳርሰ እለ ምሰል ብዝሐ ሽቦብ፤ ርሕብነ ምድርየት ወእዳረት ደዋሐ ዶል ልትርኤ ክመ ልትሐዘ ኢኮን። እለ ህዩ እትለ ምድርየት 13 እዳራት ደዋሐ ህለዮ። ለ12 ክለን መዳርሰ በጽሕን ህለ። ሐቱ ታርፊት ለህሌት እዳረት ደዋሐ ሃዋን ለትብህል አስክ እለ መድረሰት እንብትት ዲብ ኢህሌት። እምበል ሀዋን ህዩ ክለን እዳራት መዳርሰ በጽሕን ህለ

ሐዳም ምንማቶም መዳርሰ ዲብ ክሉ ባኮት ለትመደደ ሰበትቱ ሐዳነ ሙደርሰን ህለ እብ ፍንቱይ ዲብ ሂገ ትግሬ ወብዳዌት። ለልኦርሰ ሙደርሰ ትግሬ ወለ ደርሶ ደረሰ ብዳዌት አው ዐረብ ሰበት ገብኤ፤ ዲብ እለ መሻክል ናይ ሙደርሰን ህለ። ክሱሰን ዲብ መአንብታይት ወምግባይት ደረጃት። ናይ ሙደርሰን ህዩ ሐድ 25 ሙደርሰ ለገብእ ንቁሰ ህለ። ለዐቢ ሰብ ለሙደርሰን ብዳዌት እግል ለአድርሶ ሂገ ለልኦምሮ ምንመ ገብኤ። እብ ላቲን እግል ለአድርሶ ሰኔ ክቡድ መሻክል ገብእ እቶም ህለ። ለሰብብ ሰር ምን ሙደርሰን ናይ እለ ምድርየት መሻክል ናይ ሙደርሰን እግል አርህዮት እንዴ ትብህሉ። ምን ውላድ ዐድ እግል ለአድርሶ ቀድሮ እንዴ ትብህሉ ለትሰጀለው ሰበትቶም። እብ ፅምር ህዩ ሰናትለ ለአደርሶም ሰበት ቶም እለ ምን ለህለ መሻክል ምርት ቱ።

እብ ውዛረት ተዕሊም እግል እለን መዳርሰ ለገብእ አክትብት ናይ አውጅዶት መሻክል ኢህላኒ። ሐድ ላኪን መሻክል ኢህላኒ እግል ልትብህል ኢቀድርኒ። እብ ፍንቱይ

ወጠኖም እግል ለሀሶ ወናይ 12 ፈሰል ደራሰቶም እግል ለአትምም 19 ደረሳይ ምኖም 4 አዋልድ አንሳት አስክ ሳወ ጋይሳም ህለው። ዲብ በቃዐት ተዕሊም እለ ለሐልፊ ወክድ ዶል ልትርኤ ክም መሰል ለሐልፊት ሰነት 67 ምእታይት ደረሰ ዲብ ናይ ጀነራል እምተሓን ሰበት ሐለፊት። እለ ምድርየት እለ። ምን ክም መሰል ለልትረተብ ጋብኦት ህሌት። ሰበት እለ እብ ፈድል እህትማም ሙደርሰን ወደረሰ በቃዐት ተዕሊም ዲብ እለ ምድርየት ዲብ ደረጃት ስኔት ህለ። ምናተ ምሰል እለ ክም መሻክል ለልትርኤ ልሰዕ መሻረከት አዋልድ አንሳት ክመ ለተትሐዘ እብ ኢሃለዮታቱ።

ዲብ እለ ለሐልፊ ወክድ ሰለሰ መድረሰት ክሉ ረኡሱ መሻረከት አዋልድ አንሳት ለኢትረኦ እተንመ ሱድፋት ዐለዮ። እለ እግል አሰነዮት ህዩ እብ ብዙሕ ተዕሊም ለሐቱ 20 ወለት ክም ደርሰ እተ ገብኦሎ ለክልኤ ላኪን አስክ እለ እምበል አዋልድ ለአተላልዮ ህለዮ። እለ ህዩ ዲብ አዋልድ ለደርሰ ዲብን መዳርሰመ ለመሻረከት

ምድርየት ከርከበት። እግልሚ ሰልፍ ለደረሳይ ልትሰጀል እት ህለ። እብ ጅብርቱ ለልትሰጀል። እብሊ ለሽቦብ እግል ልድረሰ ለወጅቡ እንዴ ኢገብእ እግል ልቐቁ እግሎም ለኢቀድር ጅና ቶም ለልኦሰጅሎ። እለ ህዩ ለሰብብ መንፈዐት ተዕሊም እንዴ አመረው እግል ወጠን ወእግልን ገብእ ወእንዴ ተዐለመ እግል ልርሐ እግል ልግበእ ቀድር ለልብል ፈህም ተዕሊም ልሰዕ አስክ እለ ሽቦብ እለ ባኮት በጽሐ ሰበት ኢህላቱ። ምን እለ ለልትብገሰ ሰነት ቀዳሚት ምር ደረሳይ ሃይላምክ ሐቕ ጸንሐው እተ ለትመጽእ ሰነት ህዩ እግሉ ምን ተዕሊም እንዴ ኢብጠረው ደርሰ ለኢዐለ ለአሰጅሎኩ። እለ ክም በዝሐ ህዩ እብ ደረጃት ምድርየት ናይ አንበቶት ወአትካራም ክም በዝሐ። ክሉም ዐባይ ዐድ። መሻይኩ ወካይል ሽቦብ ወመሰኡሊን አፍረዳት ውዛራት ለልትረከቦ እቶም እግል ለአቐቁ ለቀድር ምር ቃትን ዳኻሊ ዳለ ወእቡ እግል ልትጋየሰ መፋህመት ትበጽሐት። እብሊ ክም ትሸቀ ህዩ ለሐልፊት ሰነት ተቅዶር ትረከቡ።

ዕላቀት ደረሳይ። ሙደርሰ ወዋልዴን እግል ትጠወርመ እብ ገባይ ውዛረት ተዕሊም ምድርየት ከርከበት ምን እብ እህትማም ለልትሸቁ እቱ ቱ። ለህለ መሻክል ላኪን ናይ እለ ባኮት ሽቦብ ደረጃት ፈህም እት ተዕሊም ልሰዕ ሰበት ህሌት ምሰል ሙደርሰን ዕላቀቱ ክምመ ተትሐዘ ባጽሐት ኢህሌት። ክም ሸክል ላኪን እግል ልትሸቁቡ ጅህድ ገብእ ህለ። ዲብ ገሌ እዳራት ደዋሐ ህዩ ዲብ ተፋህም እንዴ ትበጽሐ ደረጃት ርክብት ምኑ ህሌት። ምን እለ ለትብገሰ ሰዳይቶም እግል ሙደርሰን ክም መሰል እትለ ሰነት እለ 32,800 ነቅፊ ለበጽሕ ማል ወደሮም ዲብ አሰነዮት መዳርሰመ ዐቢቱ ለህለ። እለ ህዩ እብ ቅውቶም ለከዳሙቱ እብ ማል ዶል ትቀይሱ ዝደድ አላፍ በጽሕ።

እትለ ምድርየት እለ ሽቦብ እት ተዕሊም ኢብደዮት ቅዌት እግል ልሻርክ 37 አካን ዲብን ለበርናምጅ ልትሆብ ህለ። ዲብ እለን ለመሻረከት ብዝሕት ምንመ ኢትገብእ እብ ዓመት ሐድ 1989 ለገብእ ደረሰ ሻርቲ ህለው። ምን እሎም ለ1200 አዋልድ አንሳት ተን። እግልሚ ለበዝሐዮ ዲብ እለ መዳርሰ እለ ለሻርክ አዋልድ አንሳት ተን። ውላድ እብ ሸቅል እግል ልትገሰው ሰበት ኢቀድር። እብ ፍንቱይ ዲብ እለ ምድርየት ላኪን እት ተዕሊም እግል ዐባይ እግል ልደረሰ ለህለ እግሉ ጋር ህለ። ለትሃደዮ አዋልድ ተዕሊም እንዴ አትካረመየ አው ተዕሊም እንዴ ኢለክነብት ልትሃደዮ እለ ህዩ ምሰል እግል ተአድርሰን ኢትቀድርኒ። ምን እለ ለልትብገሰ ክል ሰነት ለዐድ ዲብ ኢብደዮት ቅዌት ለሻርክ ለቀዳሚት ኢገብኦየ ምንገብኤ። ሐዳይሰ ዲብ ልትወሰክ ኢልትረኡዮ። እለቱ ህዩ እግል ልደረሰ ህለ እግሉ ለልትብህል።

እት አክር ለህለ መሻክል እግል ልሸራሕ እግልነ ሙደርሰ መሕሙድ ክም ትሰአልናሁ። ንቁሰ ሙደርሰን ክም ህለ እግሎም እንዴ ረከዘ ሸርሕ። ሽቦብ ውላዳ ዲብ ተዕሊም እግል ለአሻርክ እብ ደረጃት ምድርየት ክልዶል ተዕሊምት ወሐብሬ ልትሆብ። እብ አሳሱ ህዩ ለዕልብ ደረሰ እንዴ ዘይድ ገይሰ ህለ። ምናተ ናይ ሙደርሰን መሻክል ሐል ኢረክበ ምንገብእ ደረሳይ እንዴ ሰጀልከ የአድረሰት እግል ኢልሳድፍ ሐል ሻፍግ ንታኪ ልብል።



መጅልስ አምን ወለዛልም ቀራራቱ ድድ ኤረትሮፕ (41ኛ ክፈል)

እብ ዶ/ር አሕመድ ሐሰን ድሕሊ ተርጀመት፣ መሐመድ እድራሰ መሐመድ

አምሳይ ምዕራፍ

ተሕላላይ ቅራኔት እግል መሐረረት ነፈር ድወል ምጅልስ አምን መኔዕ ምን ኤረትሮፕ ክምሰል ትረፈዕ

1. ኩዌት፣ ሰፊር ኩዌት ዲብ መዝመት ምጅልስ ቅራን መንሰር አልዕቲቤ ዲብ ሸርሐ፡ “ ድወል መንጠቀት ቀር አፍሪቀ ዲብ እሊ ለሐልፊ አውካድ ርኡይ አሆታይ ስያሴይ ተጠውራት አርአዩ። ሕክማት ወገባይል ናይሊ መንጠቀት ክላፎም እግል አሰከቦት፡ እግለ ዲብ ሐልፊ ለለአሰፍ ናይ መጸጸት ምዕራፍ እግል ልድብኡው ቀድረው። እግል እሊ ሚርሐት ቀር-አፍሪቀ ዲብ ውፋቅ ሰላም ጅደ ለአሕተፈለው እቡ ዐቢ ታሪካይ ፍገራት ለአከደ ጅህድ ዲብ ነኦይድ ህዩ፡ እግል ሚርሐት አቶብዩ፡ ኤረትሮፕ፡ ሶማል ወጅቡቲ ነሐምድ። ዮም ቀራር ዕልብ 2444 (2018) መትቀራፋ ህዩ እብ ፈርሐት ንትከቡ። ኩዌት ዳይመት ሰላም ወንድለት እብ ገበይ ሰላም እግል ትትአከድ ምን ልብል መብደአ እንዴ ትብገሰት እግል እሊ ቀራር እሊ እይድቲ ተ።” ቤላ።

1. ፍንጌ ኤረትሮፕ ወአቶብዩ ዲብ ዮም 16 ሰብተምበር 2018 ለትፈረመት እትፋቅዩት ጅደ፡ ሐቀህ ዲብ ዮም 8 ጁላይ 2018 ፍንጌ ኤረትሮፕ ወአቶብዩ ለገብአት እትፋቅዩት አሰመራቲ ለገብአ።

2. እትፋቅዩት አሰመራ፡ እትፋቅዩት ጅደ ወመዋጀህት ፋአሰ ኤረትሮፕ ወጅቡቲ ዲብ ሰቡድዮ ህዩ ምሰለ ምጅልስ አምን ዲብ ሰነት 2009 ዲብ ረአሰ ኤረትሮፕ ቀራር መኔዕ እግል ልሕለፍ ለቀሰቡዩ ዐዋምል ላቲ ለገብአት ትግበእ ዕላቀት አለቡ።

3. መገገሞ ወኪል ኩዌት ዲብ ምጅልስ አምን፡ ቀደም እሊ ዲብ ዮም 14 ኖቨምበር 2018 ለሐልፊ ቀራር ዕልብ 2444 ሰውቶቲ፡ ዲብ ረአሰሊ እግል ኢቃኑናይ አግቡይ እብ ቀራር ዕልብ 1907 ለትቀረረ መኔዕ እግል ልትረፈዕ ጠልብ ለዐለት ኤረትሮፕ አሆታይ ይዐለ።

2. ቻይን፡ ሰፊር ቻይን ዲብ መዝመት ምጅልስ ቅራን ማጃውሹ እብ ጀህቲ፡ “ዲብ

ረአሰ ኤረትሮፕ ለትቀረረ ጀዘ መትረፈዎቲ፡ እግል ጅህድ ድወል መንጠቀት ቀር-አፍሪቀ እግል ሰላም ወዐማር እግል ለአደቅቡ፡ እግል እሊ አዜ ለህለ ቻይን ለተሐምዱ አሆታይ ተጠውር እግል ልትሐፈዝ ለለአቀድርቲ” ዲብ ልብል ሸርሐ።

1. ቻይን ውፋቅ ክምሰል ዋጅብ ዲብ ምጅልስ አምን ዶረን ዋድያት ምን ለዐልዮ፡ እሊ ኢቃኑናይ አግቡይ እግል ሴዕ ሰነት ካምላት ዲብ ረአሰ ኤረትሮፕ ለትቀረረ ቀራር ዕልብ 1907 እግል ልሕለፍ ወኢቀድረ ዐለ። ኤረትሮፕ ዲብ ክሉ መጃላት ዐማር ምሰዳር ዐባይ እሱድርት ወህሌት።



2. አማንቲ፡ መኔዕ ምን ኤረትሮፕ መትረፈዎቲ፡ ዲብ ረአሰ ኤረትሮፕ መንጠቀት ቀር አፍሪቀ ሌጠ እንዴ ኢገብእ ክምሰልሁመ ዲብ ግብለታይ ቤሐር ቀዩሕ ወመንጠቀት ኸሊጅ ዐረብ አሆታይ ተእሲር ቡ።

3. አይቮሪኮስት፡ ወኪል አይቮሪኮስት ዲብ መዝመት ምጅልስ ቅራን ሰፊር አይቮ ወልፍራን፡ ኤረትሮፕ መኔዕ እግል ልትረፈዕ ለአቅረቡቲ ጠላብ እግል ትርፈድ ለለአዝዝ ቀራር እብ ሐመጣማዋ ለተአይድ ሶት እግል ለሀብ ትቀሰቡ። ሰበት እሊቲ ህዩ እግል ሸዐብ ወሕኩመት ኤረትሮፕ መኔዕ መትረፈዎቲ አሰናይ እግል ለብሎም ኢትን ለገብአ ልግበእ ሸሬሕመ ኢሀቡ። ሰአላት ብዙሕ ለሊሀርስ ወለለአትፈክር መገገሞ ቲ። መብዘሐን ድወል ናይ መንጠቀት ወእዲነ መዝማት ክምሰልሁመ ዲብ ሰነት 2009 ቀራር መኔዕ ዲብ ረአሰ

ኤረትሮፕ ልትቀረር እት ህለ ዶር ለዐለ እሊን እንዴ ኢተርፈ፡ ምን መዝመት “ኢጋድ” “እተሓድ አፍሪቀ” እግል ቀራር ዕልብ 2444 እብ ፈርሐት ልትከበታሁ ዲብ ህለዮ፡ እግል ሸዐብ ወሕኩመት ኤረትሮፕ መ አሰናይ ቤለዮ።

መገገሞ ሶማል፡ ጅቡቲ ወኤረትሮፕ

እብ አሳሰ ማደት 37 ናይ ከርስ ቃትን ምጅልስ አምን፡ ጅቡቲ፡ ኤረትሮፕ ወሶማል ዲብል ጀልሰት እግል ልሻርክ ዕዙማት ተን። ለማደት “ለገብአት ትግበእ ዕዱ መዝመት ምጅልስ ቅራን ላተ ደውለት ላኪን ነፈር ምጅልስ አምን ለኢገብአ፡ ምጅልስ አምን እግል ቀድዮት ኤረትሮፕ ለከሰሰ ቀራር ዲብ ሐልፊ እቲ ወክድ፡ ዲብል ጀልሰት እግል ትሻርክ ትቀድር

እግለ ዲብ ረአሰ ሶማል ለሐላፊዩ መኔዕ፡ ዲብ አከደት ህደፋ ለህለ እሊ ዶር እንዴ ኢገምም ልሰዕ ለአተላልዩ ህለ። ለቀራር እግል ሐላፊት ህዩ፡ ናይ ሰያሰት ተናዘም ዲብሊ ነሸረወ ናይ ቤሊ ቤለው ሀገጊት ዲብ እሰገት ለአለቡ ሸክዋትቲ ለተንክቡ። ለህደፍ ህዩ እግል ጅህድ ሶማል እግል ዐንቀፎት ቲ። ሰበት እሊቲ ህዩ፡ ሰሜት ናይሊ ሐሸም ሰበ መቅደረት እግል ትትቀየር እንጠልብ። ክምሰልሁመ ለሐሸም ምን ቀደሙ ለዐለ እበ ትፈንተ ለትወቀለ ቲክፍለጂ እግል ልትዐንደቅ ወተጃርብ እበ በ ቢቃዕት ሰበ መቅደረት እግል ልትሐረው ንትፋኔ” ዲብ ልብል ሸርሐ።

2. ጅቡቲ፡ ሳብት ወኪል ጅቡቲ ዲብ መዝመት ምጅልስ አቅራን መሐመድ ሰያድ ድዐሊ እብ ጀህቲ፡ “ዲብ ረአሰ

አምዕል እሊ፡ እግለ እግል ፍርሰነት ታሪክ እግል አትካፊእ ዲብ መንጠቀት ቀር-አፍሪቀ ዳይመት ሰላም ወዐቦት እቅትላድ እግል አከደት ለአመመ ረአዩ እግል አፍረሶት ለትብገሰ ትሉሉይ ናይ በረ ጨቅዋ እንዴ ረፍዐ፡ እግል ሸዐብ ኤረትሮፕ አሰናይ እብል። ኤረትሮፕ ሰበት ኢትከሐደው ወገጽ ግረ ሰበት ይአቅመተው። ናይሊ ሐልፈው ክልኤ ዕቁድ ታሪክ ሰበት ልፍህዋ፡ ሰላም ለትመደደ እተ ጥውርት ደውለት እግል ብንዮት ቶም ለናድሎ። ሰነት፡ ሰላም ወደማን ለትመደደ እተ ደውለት እግል ብንዮት እግል ዝያድ ሰቦዕ ዕቁድ ለትደፈዕ እሰትሸሃድ ህዩ ሰመዕ በሲር ናይ እሊቲ። ዲብ ደንገበ እግል ክሎም ድድ እሊ ዲብ ረአሰ ሸዐብ ኤረትሮፕ ቅሩር ለዐለ መኔዕ ለበጥረው ወእግል ልትረፈዕ ለአዩደው ሐምድ” ዲብ ልብል ሸርሐ።

ዲብ ደንገበ ልብ እግል ንክሬ እቲ ለወጅብ ጋር፡ ክሎም ለሐቅህ ቀራር ረፈዕ መኔዕ ምን ኤረትሮፕ እብ ታመት ሶት ክምሰል ተአከደ፡ ከሊመት ለአሰመዐው ሰፈረእ አንፋር ድወል ምጅልስ አምን እግል እሊ ለተሌ ሰለሰ አሳሰዮይ ሰአላት ኢበልሰው እቲ።

1. ምጅልስ አምን እግል “መራቅባይ ሐሸም ሶማል ወኤረትሮፕ” ለቀርብ ተቅሪር ሐቂቀቲ እንዴ ኢለአክድ እግልሚቲ ዲብ ረአሰ ኤረትሮፕ ቀራር መኔዕ ዕልብ 1907 ለሐላፊ፤

2. “መራቅባይ ሐሸም ሶማል ወኤረትሮፕ” እግል እግል ኤረትሮፕ እበ ከሰሰ ለአቅረቡዩ ተቅሪር ወህቲ ህዩ አሳሰ ቀራር መኔዕ ዕልብ 1907 ለሐልፊ፡ እሰገት ክምሰል ኢረክበ እቲ ዲብ ሰነት 2012 ክምሰል ሐበረ እግልሚቲ ምጅልስ አምን እት ዶሉ ለኢረፍዐቲ፤

3. እግልሚቲ ህዩ ምጅልስ አምን’ “መራቅባይ ሐሸም ሶማል ወኤረትሮፕ” ዲብ ተቅሪሩ እሰገት ክምሰል አለቡ እኩድ ዲብ እንቲ፡ ምጅልስ አምን እግል ፍሱመ ዲብ ቀራር ዕልብ 2444 እግል ኤረትሮፕ እብ ከሰሰ ለቀርቡት ሸክውት ደሊል ሳብት ክምሰል ኢረክበ እተ ሻሬሕ ዲብ እንቲ፡ እበ ዲብ ናይ ሐሰት ሸክውት እንዴ ተንክበ ለወደዩ ሰያሰዮይት፡ ቃኑናይት፡ እቅትላድያይት ወመዕነውያይት ጀሪመት እግል ሸዐብ ወሕኩመት ኤረትሮፕ ዐፎ ኢትሰአሊ ወክሕሰ እግል ልድፈዕ ለኢጀሪባ፤

ቲ” ልብል። ምናተ ዲብል እግል ምጅልስ አምን ተሐይሰ ተሐምቅ ለልትባህል እቲ ጋር፡ ወለ መሰለሐተን ለተምትም ልግበእ፡ እግል ልናቅሽ ዲኢትን ሶት እግል ለሀብ ሐቅ አለቡን።

ምን እሊ እንዴ አትሌነ ህዩ ከሊመት ናይሊ ዲብ ጀልሰት ንቃሽ ቀራር ዕልብ 2444 ለሻረከዩ ሰለሰ ደውለት ሚ ክምሰል ዐለ እብ ቀደም ትሌ ነቀርብ።

1. ሶማል፡ ሰፊር ሶማል አቡብከር መሐመድ ዐሰማን ዲብ ቀደመዩ ከሊመት፡ “ሕነ እግል ሸዐብ ኤረትሮፕ፡ ምን እብ ሰብ ገዛም ጀዘ ለረፍዐተ ጅርቡት እብ መትባላሐት፡ እብ ዛይደት ፈርሐት አሰናይ እምብሎ። ዲብ ረአሰ ኤረትሮፕ ለትቀረረ ጀዘ ምን ትሸጠበ ህዩ ፈርሐትን እንሸሬሕ። እብ መብደእ እንርእዩ ዲብ ህሌን፡ ጀዘ መሻክል ሌጣ ቲ ለከልቅ ለትብል እምነት ብነ። ምናተ ምጅልስ አምን

ኤረትሮፕ ቅሩር ለዐለ መኔዕ ሰለሕ ወሰፈር ክምሰልሁመ ጀመዶት ረአሰ ማል ምን ትረፈዕ ጅቡቲ ፈርሐተ ትሸርሐ። ምጅልስ አምን እብ ታመት ሶት እግል ቀራር 2444 (2018) ምን አዩደት ህዩ ጅቡቲ ሐምዴህ ትሸርሐ” ቤላ።

3. ኤረትሮፕ፡ ዲብ ደንገበ ህዩ እግል ወኪል ኤረትሮፕ ዲብ መዝመት ምጅልስ ቅራን አማንኤል ጅርጅቲ በክት ለተህዩቡ። ህቲ ዲብ ሸርሐ፡ “ልኡክ ኤረትሮፕ ዲብ እሊን ለሐልፊዩ ሴዕ ሰነት፡ እግል ዲብ ረአሰ ሸዐብ ኤረትሮፕ ለትቀረረ መኔዕ ሕዱድ እግል ልግበእ እሊ ዲብ ንቃሽ ምጅልስ አምን ረአዩ ሸሬሕ ምንመ ዐለ፡ ፍሬ ኢትረከበ ምን። ዲብ ደንገበ ላኪን ምጅልስ አምን እብ ታመት ሶት እግል ቀራር 2444 (2018) ሰበት ሐላፊ ዐድል ተአከደ። ዲብ እሊ ታሪካይት

“ሕርያን ፋዜቦ፡ እግል መትነፈሶ ራቴዕ!”

ኤሪትሮፕ እት እድንያይት ሳምን ራቴዕ ወሳልም መትነፈሶ አድውየት ዋከተ ትወዳ

እትሊ እያም እሊ እብ መላይን ለልትዐደድ ገባይል ዐለም፡ ምን ሕማም ለሳርዮ አድውየት ልትነፈሶ፡፡ ሳኪን ለአድውየት ሳሬ ሌጠ ኢኮን፡ ለኢተአመመት (መደረት ለትወዳ) ፍገሪት መብእቲ፡፡ ከደው እብ ገበዩ ለራትዐት እት መዓል እግል ነአውዕሉ ብኩ፡ እሊ ምን እንወዳ ለመደረቱ ትውሕድ፡፡ ደው እብ ገበዩ ሐቆ ትነፈሶን እብ ለትጀራ መደረት እንዳ ሐደት ብዘሓም ምን አከይ ዓፍየት እግል ልትሰለጥ ቀድሮ፡፡ ምን አመረ ኤዘያት ላተ ለኢተአመመት ፍገሪት ደው ጀራት ምንገብእ ሆይ እት አገዳት እግል በዐል ምህነት አድውየት አውመ እግል ለአዘዘዩ ሐኪም አሰአሉት ዋጅብ ቲ፡፡ እሊ ወዳን ምንገብእ አድውየት ዘያድ ደማን ክም ረክብ ገብእ እተ ሀለ ጸገም ግዴትን እንወዳ ሀሌን፡፡

ተቃሪር መነዘመት ዓፍየት እዲን ክምለ ለሐብር፡ ሰር ናይሊ እብ አድውየት ለመጽእ ለኢተአመመ ደረር እግል ንክርዑ ለእንቀድር ቲ፡፡ ደሐን መትነፈሶት አድውየት ምን አውለውያትን ምንገብእ፡ እት ወጠንያይት ሳምን አድውየት ወእድንያይት ሳምን ሳልመት ገበይ መትነፈሶ አድውየት፡ ክሎም መትነፈሶት፡ አድውየት እብ ገበይ ራትዐት ወሳልመት እግል ልትነፍሱ እብ እንነሱሕ፡፡

እድንያይት ሳምን ሳልም መትነፈሶ አድውየት 2024 ምን 04 ኖቨምበር አሰክ 10 ኖቨምበር ለትገብእ፡ 92 መነዘማት ዲብ 86 ደውለት ለተአሻርክ ቲ፡፡ ዲብ ዐድን ሆይ ሕርያን ፋዜቦ - እብን አሳሰ መትነፈሶ ራቴዕ” እት ሐንቴላ ትብል ሰቅራት እብ ወጠንያይ መሕበር ፋርማሲሲት ኤሪትሮፕ ወወጠንያይ መርከዘ መራቀብት ለኢተአመመት ፍገሪት ደው እት ወዛረት ዓፍየት እንዳ ትሳደው ወደው ሀለው፡፡ አግደ ሀደፍ እሊ በርናመጅ፡ መትነፈሶት ሕርያን ፋዜቦ እንዳ ነሰአው እት ከሬዕ ደረር ለትወዳ ለኢተአመመት ፍገሪት ደው ግዴቶም እግል ሊደው፡ ለኢተአመመት ፍገሪት ደል ትረኤ ሆይ አገድ እግል ከሰሶም እንዳ ሐበረው እት ደማንት ደው ሐዙቶም እግል ለዓቡ አትናያትቲ፡፡

አድመኖት ደሐን ደው መስኦልየት ሰብ ምህነት ወዑለመ ሌጠ እንዳ ወዳክ ሐሲብ ቀሊልቲ፡ ለአማን ሳኪን ክል መትነፈሳይ ደው እት ምድር ለኢልትካሬ ሰህም ብእቲ፡፡ ለኢተአመመት ፍገሪት ለተመአጸአ መደረት ደል ሳድፍ ለገብእ መዋዋን እግል መርከዘ መራቀብት ለኢተአመመት ፍገሪት ወዛረት ዓፍየት አውመ እት ቅሩብክ ለሀሌት መአሰሰት ዓፍየት ትግበእ ፈርመሽየት እተ እንዳ ጌሰ እግል በዐል ምህነት ዓፍየት ምን ለሀብር ሰኒ ኔፍዳይቲ፡፡ እሊ ሆይ፡ ለቀደም አዜ ትትአመር ለኢተአመመት ፍገሪት ናይሊ ደው ዘያድ እግል ትደሌ ወትፈተሽ ሰዳ ዲብ ሀለ፡ እግል ቀደም አዜ ርኢት ለኢኮን ለኢተአመመት ፍገሪት እግል ትትበርበር ወትትአመር መንፈሶቲ ዐባይተ፡፡ ምን እሊ ትመሰል ሐብሬ እንዳ ትበገሰ መርከዘ መራቀብት ለኢተአመመት ፍገሪት - ወዛረት ዓፍየት ምስል ብዕዳም ሰብ ሸርኩቲ እንዳ ትሳደ፡ ዋጅብ ድራሳት እንዳ ወደ እት ገበይ መትነፈሶ ናይሊ ደው ለለትሐዜ ተቅዩር ወዳ አውመ ብዕደት ምስዳር ነሰእ ወሐብሬ እት ክሎም ሰብ ምህነት ዓፍየት ክም ትበጸሕ ወዳ፡፡

እት ራቴዕ መትነፈሶ ደው ለሀለ እን ፈሀም ወፈዛዐት እንዳ አፍየሕን እት ወጠንን ሌጠ እንዳ ኢገብእ ዲብ ክለ ዐለም ለሀለ አደሚ ደው እብ ገበይ ራትዐት፡ እብ ጥቀት ወበቃዐት እብ ደሐን ወሰላመት ለትትሐዜ መሰለሐት እግል ልርኩብ ቀድር፡፡ ሕማማት እት አገዳት እብ ለተደሚዕ ገበይ እግል ልትዳዌ ቀድር፡፡ ሰአን ራቴዕ መትነፈሶ አድውየት ለትመጽእ ለኢተአመመት ፍገሪት ኬልም ሆይ እተ ትደሀረት ደረጃተ ወትከሬት ወብዙሕ አራዌሕ አዳም ነጄ ወልድሕን፡፡

ራቴዕ መትነፈሶ ደው፡ ሐዮት ለአሸፍግ

ወጠንያይ መሕበር ፋርማሲሲት ኤሪትሮፕ ምስል ሰብ ሸርኩቲ እት ሸዐብ ፈሀም ራቴዕ መትነፈሶ ደው እግል ልሰበቅ ሳምን ራቴዕ መትነፈሶ አድውየት እንዳ ዝመ ለአትፋዜቦ ሀለ፡፡ እሊ እት ወሬሕ ነገሰት ሰነት 1992 ለተአሰሰ ሐድ 400 አንፋር ለቡ መሕበር፡ ደረጃት ምህነት ዕሉም ደው እት ኤሪትሮፕ እግል ትወቀል፡ ፍንጌ አንፋሩ መጃል ጎማት ሕድ ወተባድል ተጃርብ እግል ለአጥፊሕ፡ ወቅተ ወደረጃተ ለዐቅብት ሐብሬ ደው እት ሕሱራም ቀደሞት፡ ራቴዕ መትነፈሶ ደው አትናያት፡ ክምስልሁም ምስል መሓብር ምህናት ሸራክት እንዳ አሰሰ ሸዐብ ለሐሰት ክድመት ዓፍየት እግል ልርኩብ ምን አግደ አህዳፋ ቲ፡፡

ከዲብ እሊ ምን 4 አሰክ 10 ኖቨምበር ለትጸይሕ ሳምን ራቴዕ መትነፈሶ ደው፡ እብ ገበይ ዓማት አክባር እት ሸዐብ እግል ልብጸሕ ለሐዘዩ ልእትታት ገሌ ምኑ እሊ ተሌቲ፡፡

1. መትነፈሳይ እብ ክሰሰ ደው አምር እግል ለሀሌ እሉ ክል መትነፈሳይ ለእሉ ነሰእ ደው ሚ ክም ልትበሀል፡ እግልሚ ክም ነፊዕ፡ ከአፎ ክም ልትነሰእ፡ እብ አክልሚ ቅያሰ ክም ልትነሰእ፡ ሚ ዶል ወክም ወክድ ዲብ ምዕል ክም ልትነሰእ፡ እግል አክል አዩ አምዳላት እምበል አትካራም ልትነሰእ፡ ህቲ ለለጀርዮ



ለኢተአመመት ፍገሪት ሚ ቲ፡ ምን ሚ እግል ልትደገግ ክም ቡ፡ ምስል ብሌዕ ወሲቲ፡ ምስል ብዕድ ለትነሰእ አድውየት ናሰብቲ መ አኮን፡ እግል ልትሰአል ወለአምር ብእቲ፡፡ ለበዐል ምህነት ዓፍየት ለሀይዖተ ሐብሬ ሆይ ሰኒ እግል ልጸበጠ ወልፍሀመ ወጅብ፡፡

2. ደው እብ እዳ ናሰክ አትቀርር ዶል ተሐምም ሐኪም ትረኤ፡ ህቲ ለቀርሮ እክ ደው ሌጠ ሆይ ንሰእ፡፡ እብ እዳ ናሰክ ለትነሰእ ደው ምን አመረ እግል ሕማምክ

Medication Safety in the Home.
Protect Your Children & Prevent Accidental Ingestions

6 Tips to Safely Store Medicine

- Keep Out of Reach of Curious Climbers
- Know What's in the House
- Child-Resistant ≠ Childproof
- Keep Track of What you Have
- Poison Control Center Number: 800-222-1222
- Keep Medications Up and Away

HealthCare, face it, Kosalir for Kids, KIPRC

ለኢዳዌ ገብእ፡ ዋጅብ ቅያሰ ኢገብእ፡ ለኢተአመመት ፍገሪቲ ክብድት ትገብእ፡ እት ሐዮትክ ደንግር ገብእ ወእሊ እግል መሻክል ዓፍየትክ ሰኒ ወአማን ለሐባልቲ፡ አውመ ነፊዕ ናይሊ ዋጅብ ደዋክ ለአትሐውን ከዲብ አድውየት ክቡድ እግል ትትዐዳ ትቀሰብ፡ ምን ክሉ እሊ መሻክል እግል ትድሐን ሐኪም ለአዘዘዩ እክ ደው ሌጠ ንሰእ፡፡

3. ደው ሰኒ አክቡ ደው እት ጅን ለኢለዐሬብ ወእንሱሰ ቤት ለኢረክብ አካን አምነት ዲብ ክረዩ፡፡ ዲብ ትከርዩ አካን ዝፍት፡ ብርድት፡ ጮሬሕ

ሐፈርክ ኢትግራን፡ ደአም ክእነ ወዳ፡ ለኢክለሰህህ፡ ዕለቲ ለሓሰሬ፡ ዕለቲመ እንዳ ኢተምም ለአኩ ሕብሩ ለበደለ አው ለትባተክ ክሉ ክምክም እንዳ አበልክ ዲብ እሰባድላየት አውመ ፈርመሽየት እግል እንዳ ትበሀለ ፍንቲይ ለሀለ መአኩብ አትዩ አውመ እግል ዲብ ሀለ በዐል ምህነት እንዳ አሰአልክ እብ ህቲ ለሀይዖተ ሐብሬ እተ ተአሰትሀሉ አካን አትዩ፡፡

5. እብ ደው ለመጸአተክ ለኢተአመመት ፍገሪት ሀሌት ምንገብእ አገድ እግል በዐል ምህነት ዓፍየት ሐብር

ደው ዲብ ትነሰእ አውመ ግሪ ንሰአትክ ለኢተአመመት ፍገሪት ክብድት አውመ ምን በዐል ምህነት ሕብርካተ ለእንሐ ለትፈንቴት ሓለት መደረት ደው ረኤክ ምንገብእ፡ እተ መአሰሰት ዓፍየት እንዳ አቅበልክ አገድ እግል በዐል ምህነት ዓፍየት ሐብር፡፡ ቀደርክ ምንገብእ ሆይ እግል መርከዘ መራቀብት ለኢተአመመት ፍገሪት ደው ወዛረት ዓፍየት ሐብር፡፡ እሊ ሐብሬ ሻፍገት ሂበትክ ለመደረት እት ብዘሓም እንዳ ኢትጀራ እት አገዳት እግል ትከረዕ ሰዳይት ዐባይ ብእቲ፡፡

6. ቀመማት ግርመት ሰኒ እንዳ ትደገግ ትነፈሶ እብ

ቀመማት ግርመት እት ቀርቡት እብ ቀላል ለኢትሳሬ መደረት እግል ሊዳ ሰበት ቀድር መትደጋግ ትሩድ ለሐዜ፡፡ እብ ክሰሰ ደማንት ለቡ ወባቄዕ መራዐየት ገኖበት ምን በዐል ምህነት ዓፍየት አውመ ዓልም ገኖበት ምክር ወሐብሬ ንሰእ፡፡ ራቴዕ መትነፈሶ ደው ሐዮት ክም ለአደምን ወምን ከሳር ብዘሐት ክም ለአድሕን ዲመ እት ልብክ ወደዩ፡፡

ወራታት ሐርስ ምዳርየት ዐረዘ



ሰአሊ ኦብራ-ግም በየጎ

ምዳርየት ዐረዘ ሐቲ ምን ሐሰያት ለበዝሐዩ ምድር፡ ክምሰልሁም እጸምእ ወእግል ሐርስ ለኢትወጣ ኦምዳር ለበ ምዳርየት አቅሊም ግብላት ተ። ርሕብ ምድረ 218,289 ሄክታር ገብእ። ምን እሊ 14,955.14 ሄክታር ለገብእ ለልትሐረሰ ምድር ተ። 15,464 ሄክታር ህዩ ምድር ርዕዮ ተ።

ምዳርየት ዐረዘ ሐላት ጀው ቀላቅል፡ አውላት ወሽብህ አውላት ምድር በ። 11 ጅንሰ አዝረኣት በቅል ዲቡ፡ ምናተ ለዝያደት በቅሎ ዳጉሰ ወማሽሊ እት ገብእ፡ ሸጊር፡ ሸንጋይ፡ ዐተር፡ ሰምሰም፡ ዕፉን ወብዕድ አዝረኣትም ህለ። እትሊ ወክድ ጎነ እግል ተጅርቦት ለትዘረኣ 40 ሄክታር ለገብእ ብልቱብም እት ደረጀት ሰኔት ህለ። እት ምዳርየት ዐረዘ ፍንቱይ ርዝቅ ሐርሱ፡ እትሊ አውረሐት ሐጋይ እምበል ዝላም እብ ሐምደ ሌጣ ለበቅል 'ግርምቢዋ' ለልትብህል ጅንሰ ማሽሊ ለትዘረኣ። ግርምቢዋ ህረግ ለኢሊሐዘ፡ ማይ ብዙሕ ለኢሊሐትሐዘዩ ወመተክርያይ ሐረሰታይ ዘርእ መክሰግይ ተ። ዝላም በዴት ምን ገብእ፡ ግርምቢዋ እብ ቀጡር ወሐምደ ሰበት በቅል እሎም፡ ሐረሰቶት ዐረዘ ሰኔ ፈትወ። "ምን ዘርእ ማሽሊ ግርምቢዋ ምን 480-550 ሄክታር ለገብእ ምድር ለትሐረሰ። ግርምቢዋ ፍንቱት ወህበት ምዳርየት ዐረዘቱ" ልብል አሰይድ ምሕረቱ አርአየ መሰኡል ሐርስ ምዳርየት ዐረዘ።

አሰይድ ምሕረቱ ዲብ ጀራዲን ዐረዘ እት ልትሃጌ፡ "198 ሰብ ጀራዲን ህለው እልነ። መብዝሐም ምን እዴ እት አፍ ለረክቦ ነኣይሸ ሰብ ጀራዲን እት ገብእ፡ ሐዳም ሰብ ረኣሰ ማል መትጃግረት ሰብ ጀራዲንም ብነ። ለሰብ ጀራዲን ጃዝ ኢረክቦ ወለትሸቁ ቅወት ኡዳም'መ ይህሌት እሎም። ሰበት እሊ ዲብ ምር ምውሰም ምን 33 ሄክታር ለኢብዘሕ ምድር ቱ ሐምሌ ወፍሬታት ለልኣቱ ምነ። ምን ማይ-ድማ አሰክ ያበል ለልትመደድ ምድር ዐረዘ እግል ጀራዲን ውጡይ ጋድጥታት ወማይ ከርሱምድር ለቡ ተ።

እትሊ ሐረሰቶት፡ ማንጉሱ ዘይቱን ወኣራንሺ ሰኔ እተይ ለረክቦ ምነ ዕጫይ ቱ" ልብል።

እተ ምዳርየት እብ ሐድ ዐደድ ምንም ትገብእ ሐ ሐሊብ ትተውቡ። 250 ረኣሰ ለገብእ ምን ጎባይ፡ ድቃለ ጎባይ፡ ብጋይት ወሐመርየ ለትትብህል ሐ ወጃቦት ትውብት ህሌት። እግል እሊ ሐ እሊ እብ ፍድኢት ምን ገብእ ወክደማት ብዕድ አውላውየት ቱ ለትትህባይ። ለታውባመን ሐረሰቶት በዲር ሰዳይት ምን ሕኩመት ረክቦ ዐለው፡ አዜ ላኪን ሰዳይት ክም በጥረት ምናም ወመትክምካም እት መሕበርመ ሰኔ ሰበት ኢጌሰ እሎም፡ ቅድረቶም ተሐውን ህሌት።

"ምዳርየት ዐረዘ ለበዝሐ ምድረ ከደን ወመሸፈል ሰበት ተ። እግል ርዕዮ ውጡይ ተ። ሰበት እሊ አግል፡ አግጌዕ፡ ሐ፡ አዳግ ወእንሰ እብ ብዝሐ ትውብ ቱ" ወሰክ አሰይድ ምሕረቱ።

55 ገብእ። እት 14 ንቅጠት ሐርስ ሰብ መቅደረት ህለው እግል። ዲብ ንህብ መራቀብት ሰኔት ወዱ እሎም ወተዕቢኣትመ ልትህባይም። ለመሕዝም በሰ ዲብ ኢረኪብ ዘበናይ ቀፎታት ቱ። " እት ልብል አሰይድ ምሕረቱ፡ እት መናበረት ሸቡብ መዐር ክም መነት እት ልትለመድ መጽእ ክም ህለ እክደ።

አሰይድ ምሕረቱ፡ "ጠለብ ንህብ እት ዘይድ መጽእ ህለ። አላት እንረክብ እሎም ይህሌነ ድኢኮን፡ ብዝሐም ቀፎታት ህቡነ ልብሉነ። ፍገራቱመ ሰኔት ቱ። ምን ኦር ቀፎ ምን 23 አሰክ 40 ኪሎ መዐር ልትሸንክል። እት ኦር ሐን ሌጣ ገብእ ድኢኮን፡ መካይን ለእቡ ለአግዑዝ ምን ረክቡ፡ ምር ወክዱመ ወኢገብኣ። እት አውረሐት ማዮ ወጃን ባካት ዐረዘ ዕጫዩ ፈርያት ብዙሕ ሰበት ወዴ፡ እግል ተዋብ ንህብ ሰኔ ውጡይ ቱ። እትሊ ለእቤሉ



ሰአሊ ኦብራ-ግም በየጎ

እብ ክሱሰ ተዋብ ንህብ ህዩ፡ "ምዳርየትን እብ ተዋብ ንህብ ቀደም ትሄርር ለህሌት ቱ፡ ቀደም ሐምሰ ሰነት 17 ቴቡት ንህብ ሌጣ ለዐለው እግል። ዮመቱ ዘበናይ ቀፎታት ንህብ ለዐም 205 ሐረሰቶት ህለው እግል። እብ ለመድ እት ገነዲት ወመዳጭር ንህብ ለተውቦ 1,050 ለትሰጀለው ሐረሰቶት ህለው። ቀፎ ሰሙይ ለዐም 42 ባጽሓም ህለው፡ ወዘበናይ ቀፎታትመ

ሐን ምን ቅብለት በሐር ቀየሕ ለሳግግ ዲብነ ቴቡት ንህብ ህለው፡ እት ዐናብዑር ምን ኦቅሊም ምግብ ለመጽአው ሰብ ንህብ ህለው፡ ሰበት እሊ ዐረዘ እግል ንህብ ውጡይ ምድር ለትመልክ ምዳርየት ተ።" ልብል።

ዲብ ተዋብ ደወርህመ ለምዳርየት ርዝቅት ተ። 49,890 ለገብእ ደወርህ ምን ናይ ዐድነ ህለ። እብ ውዳረት ሐርስ መጽእ ለዐለ ደወርህ፡ መደት ሐቱ

ሕማም ሰበት ኡብህዘ፡ ሐቆ 2022 ክም ኢትወዘዐ ለወደሐ አሰይድ ምሕረቱ፡ እት ክል ዐዳገ ክል ሳምን 20 አልፍ ለገብእ ቤጭ እት ሱግ ክም ልትዘቤ ኡብረህ። "ሰካን ዐረዘ ተዋብ ደወርህ ሰኔ ፈትወ። ኩሎም ለግልቦ እቡ ተዋብ ህዩ ደወርህ ቱ። ምን ውዳረት ሐርስ ለመጽእ ደወርህ ወጃብ እግል ልትህባይም ልትሰኣሎ ህለው።" ልብል መሰኡል ሐርስ አሰይድ ምሕረቱ።

እብ ውዳረት ሐርስ ለአንቡተ መሸርዕ ሕበር ሐርስ-ንኡሽ፡ ህደፉ ቅዝእ ለበ ነብረ እት ኩሎ ወእግል ኩሎ መጅተመዕ ሰበት ልብል፡ እት ምዳርየት ዐረዘመ ለመሸርዕ ናይ ክልኣት ሐል ዕምር ህለ እሊ። "እሊ በርናምጅ እት ሐቱ ገርህት ክልኤ ረኣሰ ምን ሐ፡ 25 ሰወሲት ደወርህ ወክልኣት ቀፎ እግል ምር ሐረሳይ እንዴ ተህባይ፡ ለዓይሊት ለትሳወ ቅዝ ለበ ነብረ ውጅህት ክም ትረክብ ገብእ ህለ። ውዳረት ሐርስመ '1000 ምትር መረበዕ' ለትብል ስትራተጅየት እንዴ ኤተነት፡ ሐረሰቶት ምን ንኢሽ ገርህት፡ እተይ ካሬ እብ ካድም ትሩድ ክም ልትረክብ ትወዴ ሰበት ህሌት፡ ሕናመ እሊ በርናምጅ ሕበር ሐርስ-ንኡሽ መጥሩ እንሳይሩ ህሌት።" ወሰክ አሰይድ ምሕረቱ። ህቱ ጭብ ምድር ወሕዳን አላት ምንዲ ኢለሐልኮም፡ እብ ለትወቀለት ክም ከድሞ ለሐብር። እብሊ በርናምጅ አትሓያሰ መናበረት ለወደየ ዓይላት ህለዩ።

እት ምዳርየት ዐረዘ 17 ከዛን ወ55 ረሀዩ ማይ ህለ። እሊ ከዛናት ወረህያታት ማይ



አሰይድ ምሕረቱ አርአየ

አሸራም ወረህያታት ለህለ ምድር እብ ጀራዲን ዕሙር ትርእዩ። እብ ዓመት፡ ምሽክለትለ ከዛናት ኦጊድ ሸርብ ወለቤዕ መልእ ህለ።

ከረም ዮም ዓመት እት ኩሎ ምድር ዐረዘ አክል-ሕድ ምድት ተ ምንመ ኢልትብህል፡ መብዝሐ ኣካል ውብቀል ከደን እት ሓለት ሰኔት ህለ። ለሐሰ እክል ዮም ዓመት ዳጉሰ ወዕፉን ቱ፡ ደርቡ ማሽሊ። መሸፈል ንዋይመ ዳሊ ልትረኤ፡ መሓዛት ማዩ ጀርወን። እሊ ህዩ ኬር ምን ረሕመት ካልቅ ቱ። ምን ገጽ ሐር ለልትዘረኣ ዐተር ወማሽሊ 'ግርምቢዋ' መ ምን ደነግብ ቀይም አሰክ ክፍለት ሐጋይ ለልኣቱ አዝረኣት ቱ። ዮም ዓመት ከረም ለዝላም እት ምር ወሬሕ ደርብ ሕድ ዘልመት፡ እሊ ህዩ እግል እክል ለአዝዩ። ምናተ እት መዲነት ዐረዘ ወማይደማ ለትሰጀለ ቅያሰ ዝላም እብ ዓመት ዶል እንረኤ፡ 15,504 ሚሊምትር ገብእ። እሊ ዝላም ላኪን፡ እት ወቅት ሐጨር እምበል ፈጥን ለዘለመት ዐለት።

እት ወራታት ሕፍዘት ማይ ወትርቦትመ ሰስ ወሬሕ እብ ተማሙ ሸቡብ እት ሐሰያት ወግረህ ለልትከሰእ ዲቡ ኬዋታት ገብእ። ደዓም ሌጣ 2,500 ሄክታር ለገብእ ምድር አክረት እት ገብእ ዲቡ፡ 2,185 ሄክታር ምድር ህዩ ትሻርዐ። ወእብሊ ለምድር ትርቡቱ ምን መትሸርሻር ትድሕን ክም ህሌት ወሸቡብመ እትሊ ወራታት ኬወ እብ ለትወቀለት ክም ሻርክ ወፍሬ ተዕቡቱ ክም ረክብ አሰይድ ምሕረቱ ለአፍህም። መብዝሐ ወራታት ካረሮት እት ምድር ቀሪም ናይሊ ሐረሰቶት ገብእ።

እግል ሐረሰቶት እት ግርህም ክም ደርሶ ወዱ፡ ምድር ትርቡቱ እግል ኢትትገሌ ካርሮ ወሻርዮ፡ ምን ዝላም ለቀጥረት ቅጥረተ እት መዓል ሐርስ ትውዕል፡ ንዋይ እብ ዋጅብ ልትረዔ ወተዋብ ንህብ ወደወርህመ እብ ዕልማይ አግቡይ ገብእ። እሊ ለወዴ ሸቡብ ህዩ ድሩር ክም ልትመዩ ሸክ አለቡ። ምዳርየት ዐረዘ መካሪት ምድረ እግል ትሕረሱ ውጡይ ምንመ ኢገብእ፡ ናይ ዕጫይ፡ ተዋብ ንህብ ወደወርህ፡ መሸፈል ወተዋብ ንዋይ፡ ክምሰልሁመ ኬድማይ ሸበበ ምነ አግደ አርዛታቱ።

ሸባብ

ዶ/ር ዐ-መር ዐ-ሰማን



እምበል ዕርፍ እግል ረዩም ወቅት ሸቅየት

እትሊ ለህሌነት እቱ ጥወር ወቅት ሐብራ ወተክኖሎጂ፡ እብ ሰብብ ብዝሐ ሸቅል፡ ዕልብ ናይል እት ጣውለት ሸቅሎም እት እንቶም፡ ለለአፈጥር፡ ልጸበሐ ወልደረር አንፋር እት በዜሕ ገይሰ ክም ህለ ልትህደግ። ብዝሐ ሸቅል፡ ለሰበቡ ጨቅጥ ደም ምስል ኢራቴዕ መትመጥን ነብረ እንዴ ትወሰከ፡ እት ዓፍየት ኡዳም ብዙሕ መሻክል ሰብብ ክም ህለ በሕሲን ሸረሐ። እትሊ ለሐልፈ ወቅት እተ ገብአ ብሕሰ፡ እብ ሰብብ ብዝሐ ሸቅል በህለት (እንዴ ኢትትሐረክ እት ጣውለት ሸቅልክ እንዴ ገአክ መትመጥን)፡ እት ምዕል 10 ነፈር ደሞም እንዴ ረገአ ክም መይቶ ተሐበረ።

ሐድ 75% ምን እት ጣውለት መክተቦም እንዴ እንቶም ለልትመወኖ አንፋር፡ ምን ዕምር 21-30 ለዕምርም ሸቅብ ክምቶም፡ ለአሸረት ሐብራ፡ እምበል ዕርፍ እግል 10 ወምኑ ወለዐል ሳዖታት ሸቁ፡ ወእሊ ህይ፡ ደሞም እንዴ አርገአ ክም መይቶ ወድኖም ህለ ትብል ለሐብራ።

ዲ ሺ ቲ እት ለትትብህል መአሰሰት ለሸቁ ሻብ ሰቲሸን ቦል፡ እግል እሊ ብሕሰ እብ ከሰሰ እተ ቤለዩ “ፍገራት እሊ ብሕሰ፡ አማንተ፡ ሰበቡ እሊ እት ክል ምዕል ለእንወድዩ ሸቅልነ ቲ። እት ጣውለት ሸቅልነ እንዴ ገአነ፡ ባኒኖ፡ ፓሱቴ፡ ሃምበርገር ወብዕድ እንበሊዕ፡ እሊ ህይ፡ አሳሰ ናይ ብዝሐም ሕማማት ጋብእ እትነ ህለ” ልብል።

እትሊ ወቅት እሊ፡ እብ ሰብብ ብዝሐ ሸቅል፡ ዕልብ ናይል ሰበት ኢልትሐረከ ደሞም እንዴ ረገአ፡ መይቶ ለህለው ዕምርም ምተሐት 40 ሰነት ላቶም አንፋር፡ እት በዜ ገይሰ ክም ህለ ልትሸረሐ። እት ሰነት 2010፡ ሐድ 4000 አንፋር እብ ሰብብ ብዝሐ ሸቅል ለአምጸዩ ኢመትሐረክ ወረገእ ደም ሞተው። እሊ ዕልብ እሊ፡ ምስል ናይ ሰነት 2007 ልትጃገር እት ህለ፡ 40% ወሰክ ህለ። እትሊ ለህሌነት እቱ ወቅት፡ ምን እሊ ብሐሰ ሐቅ ሰቦ ሰነት ህይ፡ ለዕልብ ምን ዐደድ ወለዐል ወሰክ እግል አህሌ ክም ቀድር አኪድ።

እት ብሪጣንዮ፡ 60 አልፍ ናይ ርግአት ደም መሻክል ለቦም አንፋር ክም ህለው፡ መአሰሰት ራቀቦት ርግኤ ደም ለዐድ ተሐብር። ለሐብራ እብ ተውሳክ፡ “ሕማም ርግአት ደም፡ 80% አሻይር አለቡ፡ ኢለአልህብ ወውጀዕ አለቡ፡ እንዴ ተሐበዐ እምበል አሻረት ለቀትል ሕማምቱ” ትብል።

ከምን እሊ ሐብራ ለእንፍህመ ምንተህሊ፡ ለእብሊ ሕማም ልደመዖ አንፋር፡ ለበዝሐው ምኖም፡ ሐድ 75% ሸቅብ ቶም። ከሰበት እሊ፡ ክም ሸቅብ ምስተቀበል ደውለትነ፡ ሬፍዐት፡ ዓኢለትነ ወሸዐብነ ሰበት ገአነ፡ ወምለዐል ክሉ ምስተቀበልነ ባርህ እግል ልገበእ፡ ርዶደት ንሸቁ ወምን እሊ ሕማም ንትሓፈዝ።

ጠባይዕነ ክመ እት ለዐል ለተህደገ፡ እብሊ ሕማም እግል ንደመዕ ለእንቀድር ገአነ ምን ገብእ፡ ምን እሊ ሕማም እግል ንድሐን ርዶደት ንውዴ፡ ከባደትነ ነአንቅሰ፡ ሰቲ ሰጃር ነአብጥር፡ ቅዶስ ለእነሰአ ጩወት ነአውሕድ ሐድ ሸቤሕ ለብእተ ነብረ እግል ንብለዕ ክም ብነ ምኤምረት እሊ መጃል ለአፍህሞ።

ደረሰ 2ይት ደረጃት ምህር እብ ሰበት ክልያት እግል

ለአሙሩ ለቦም

እት ብዝሐም ደረሰ ክልያት ለልትረኤ ኦር መሻክል ህለ። ህቲ ህይ ህግዩ እንግሊዝ ክምለ ለአትሐዜ ኢመሊክ ቲ። አሳሰ ናይ እሊ ለሰሚኖህ መሻክል፡ እት ምግባይት ደረጃት ምህር፡ ህግዩ ደረሰ ወአድረሶት እብ እንግሊዝ ምንግት፡ ለበዝሐው ምደረሰነ እብ ህግዩ እምነ እግል ልተርጅሞ እነ ወልሳዕዱነ ለቀድሮ እብ ግብአቶም፡ ለናይ ህግዩ እንግሊዝ ክመ ልትሐዜ ኢመትሃጋይነ መቅደረት ብዙሕ ኢትትረኤ።

ክም ሞጅብ ላኪን ምደርሰነ ህግዩ እምነ ለልትሃገው ልግብአ ወኢልግብአ እብሊ ኢከሰሰ ለእንደርሰ እብ ህግዩ እንግሊዝ

እብ እንግሊዝ እግል ንትሃጌ ንጀርብ። እት 2ይት ደረጃት ምህር እት ህሌነ ክሉ ድራሰት ለከሰሰ ሕሰሰነ እብ እንግሊዝ እግል ንፍህመ ንጀርብ። ለገአት ለኢትፊህመተነ ሓጃት ሐቅ ህሌት ምደርሰነ እተ ንትሰአል እቱ ወቅት እብ ህግዩ እንግሊዝ እግል ንትፋህም ንጀርብ። ክም እሊ ወዴ፡ እት ነፍሰክ ክም ትትአማመን እብ ወድዮት ሐር እት ክልያት እግል ትትዐወት ሰዴክ።

2. እት ክልያት እግል ትትዐወት ገአክ ምን ገብእ፡ ክሉ እትክ ልተንክብ። እብሊ ገሰ፡ ክእኒ ውዴ፡ እግልሚ ሸቅል ቤት ኢሸቁክ፡ ሞልዳንክ ኢምጸእ ወብዕድ



ሰበት ገብአት ላዝም እግል ነአምረ ወጅብ። ሰበት እሊ እት ምግባይት ወክልይት ደረጃት ምህር ህግዩ እንግሊዝ ሰነ ነአምረ፡ ሐር እት ክልያት ክም አቲነ እግል ትሰዴክ። ሰበት እት ክልያት አካዳሚ እብሊ ከሰሰ ክሉ መፋህማት እብ እንግሊዝ ሰበት ገብእ።

1. እት ክልያት ደረጃት ምህር እት ህሌነ ህግዩ እንግሊዝ ናይ ሰምዐት፡ ቅርአት፡ መትሃጋይ ወፍሂም ቅድረትነ እግል ዓቡዮት ትሩድ ጅህድ እግል ንውዴ ለአሰትህል። እትሊ ወቅት እሊ ወብረት ተዕለም ትትነፈዕ እቡ ለህሌት፡ ደረሰይ ለታክያቱ በሰር አድረሶትም እብ ሞጅብ ትነፈዕ እቡ ምንገብእ እግል ልሰዴነ ቀድር። እብ ተውሳክ ክትብ፡ ጀራይድ ወናይ ልቀት እንግሊዝ መሓደራት እብ ሰምዐት፡ ቅድረትነ እግል ነግሴ ንጀርብ።

ብዕድመ አክባር ልግባእ መብዕድ በርናምጃት እብ እንግሊዝ ለቀድመ ወምስል ቅድረትነ ወዕምርነ ለገይሰ ቃናት ተሌሺጅን እብ ሰምዐት ወርእየት፡ መሰልሰላት እንግሊዝ እብ ዐራ ናይ እንግሊዝ ቅደረትነ እግል ንውቅል እንቀድር። እት ክም እሊ ሓለት፡ ናይ መትሃጋይ፡ ፍሂም ወሰምዐት መቅደረትነ ሌጠ ኢትነ ለልጠወር፡ እንዴ ኢልትፊህመነ ናይ ሰጥሰው መቅደረትናመ ሰነ ትትወቀል።

ብዕድ እት መድረሰትነ ምስል መሳኒት፡ እት ቤት ምስል ሐውኑ ሓዋትነ፡ እማትነ ወአበውነ እብ ልትቀደር ምስል ህግዩ ለቀድር፡

ለልብላክ አለቡ። ቅድረትነመ ምግባይት አው ምለዐል ምግባይት ገብአት ምን ገብእ እምበል ተዐብ እግል ትሕለፍ፡ ጃኢዘት ትንሳእ ወክም ፈዳብ ትትሐሰብ ቀሊል ቲ። እት ክልያት ላኪን ላዝም እግል ትፈድብ ወምን ተሐምቅ ክም ውላድ ፈሰልክ ትግባእ ለአትሐዜ።

3. ብዕድ እት ክልያት ደረጃት፡ ለእት ሐቲ ሕሰት እንደርሱ ጸብጥ ሐድ እት ገብእ፡ ክል ምዕል ምን ለሐምቅ ሐቲ ዶል እግል ክለን ለሕሰሰ እንደርሰን። ክም እሊ እብ ግብአቱ እግል ምደርሰነ ክል ምዕል እግል ንርከቦም ወለኢትፊህመተነ ሰአል ንትሰአሎም በክት ብነ። ብዕድ እት ክልያት ደረጃት ምህር ምደርሰነ ክል ምዕል ቀደም ደርሰ አንብቶቶም ለናይ ማሌ ቅሩብ ደግሞ እነ ወክም ከለሰው ፈጅር ክእሊ እግል ንድረሰ ቲ ልብሉነ። እሊ እግል ንዳሌ ለአቀድረነ።

ልግባእ ደአም እት ክልያት ቅዶስ ለእነሰአን ኮርሳት ልትፈናቲ። ሰረን እት ሳምን አርባዕ ዶል፡ ሰረን ሰለአሰ፡ ሰረን ህይ ክልኤ አው ሐቲመ ሳዐት እት ሳምን እግል ንድረሰን እንቀድር። ክም እሊ እብ ግብአቱ፡ እት ሳምን ሐቲ ሳዐት ሌጠ ለእንደርሰ ሕሰት፡ ምደርሰነ ክም ምራድነ እግል ንርከቡ ወንትሰአሉ ይእንቀድር። እትሊ እንረክቡ እቱ ወቅት ላዝም እግል ንትሰአሉ ወለኢትፊህመተነ ነአትአክድ ለአሰትህል።

ብዕድ እት ክልያት ምደረሰን

ጸብጥ ለገአት ኮርሰ እት ለአነብቶ ለአሰአሉካቲ ወሐቆህ እብ ናሰክ እግል ትታብዑ ሰበት ልሰኡኩ ማሌ ክእኒ ደረሰነ ወፈጅር ክእኒ እግል ንድረሰቲ ለልብሎ ምደርሰን እት ክልያት ሐዳም ቶም።

ብዕድ እት ክልያት እት ሐቲ ሳዓት ናይ ክልኤ ሰልአሰ ምዕራፍ ደርሰ ቲ ክም ተምም ለወዴ። ሰበት እሊ ላዝም እት ፈሰል እግል ትታብሴ፡ ወኖም ለደርሰካህ እተ ምዕል እግል ትድገመ ወትሕፈዛ ለለአትሐዜ። ሐቲ ሕሰት ቁብክ ምን ገብእ፡ ለሐልፊክ ደረሰ እግል ትፍህም ወውላድ ፈሰልክ ተዐራ ለህለ በክት ሐድ ቲ።

4. እት ክልያት ደረጃት ምህር ምደርሰነ እግል ለገአ ሸቅል ፈሰል፡ ሸቅል ቤት፡ ፕርጀክት ወብዕድ፡ እብ ከአፎ እግል ንሸቀዩ ብነ፡ ምዶል እግል ንጅምዑ ቲ ወብዕድ ለአሰአሉነ ወታብዑነ።

ብዕድመ ኢሸቁኩም ምን ገብእ እግልሚ ኢሸቁኩም እት ልብሎ ለአረትዐነ ወተሰቤሕ ናይል ከለጥናህ አሰአለት ወዴ እነ። ልግባእ ደአም እት ክልያት ለህለው ምደርሰን፡ እብ ሰበት እት ክልያት ለህለው ደረሰ ምር ሞዴሕ ፍክር ቦም ህቲ ህይ፡ እሎም ደረሰ ኩልየት ብዙሕ መራሕል እንዴ ሐልፈው ለመጸአው ክም ቶም ወክም አብጸሐት ተርጀሞት ሸቅል ቤት ወፈሰል ለልትፊህመም ክም ቶም ሰበት ለሐሰቦም ክል ምዕል ክእኒ ህለ እክኒ ወክእኒ ውደው ኢልብሎ።

5. እብ ተውሳክ እት ክልያት ደረጃት ምህር፡ ለገአ ንቁስ አርኤነ ምን ገብእ፡ ምደርሰነ እግል ሞልዳነ ወውክላነ እንዴ ትላክው ንቁሳትነ ለአሰአሎም ወአብ ከአፎ ገበይ እግል ኒጊሰ ብነ መክሩነ ወለሐብሩነ።

ሞልዳናመ እብ ናሰም እት መድረሰት እንዴ መጸአው ሐላትነ እግል ልድለው ወለአምጸኢናህ ንቃጥ ለአምር በክት ቦም። ክእኒ እብ ግብአቱ ህይ፡ እት ክልያት ደረጃት ምህር እት ፍገጌ መራዓየት ሞልዳነ ወምደርሰነ ሕነ እግል ኒበል እንቀድር።

እት ክልያት ላኪን ንቃጥክ ደህረ እንዴ ቤል ሞልዳንክ ለልትላኪ አለቡ።

ክም ታምም ነፈር ሰበት ትትሐሰብ፡ ንቁሳትክ እንዴ ፈህምክ እግል ተአሰንዩ ናይክ መሰኡልየት ቲ። ሞልዳንካመ እንተ ለየአሰአልካህምተ እብ ሰበት ሓለት ድራሰትክ ብዙሕ እግል ለአምር ኢቀድር። ሰበት እሊ እት ክልያት እትላ ነአቲ እቱ ወቅት ክም ታምም ነፈር እግል ንሕሰብ ወምስተቀበልነ ንሰትት ናይነ መሰኡልየት ክምቲ አመርት ለአትሐዜነ።

እት ሕይወት እለ የምስ ንበር (1ኛ ክፍል)

ሓይላም ቁርካት ጀርዶት ኤረትሮፕ ሐዳሴ ቅሰት ሐዘን ወግርመት፡ እብ ወድ ጃፓን ኬትባይ ያሱናሪ ለትኩተቡት ወእብ የሰዓት እድራሰ አሜር ለተርጀመት ወዲብ ምድድ ሕበርበር እግል 34 ሳምን አው 34 ክፈል ለትቀደመት፡ እት ገብእ፡ ምን ክፈል 34 ወሐር ለህለ ጽበጠ አዜ ዝያደት ልብ ክምሰል ከሬነ እሉ ምሰል መጅተመዕነ ለኢገይሰ ሰበት መሰለ እትካ፡ ወእብ ቁርካትመ ምን ቅያሰ ወለዐል ሬመት ለልብል ረኢይ ቀርብ እትነ ሰበት ዐለ፡ ምን ጥብብት የም እንዴ አንበትካ፡ ምን ቀደም እለ የሰዓት እድራሰ አሜር ለተርጀመፍ እብ ፕሮፌሰር ዴል ካርኔጂ ለትኩተብ ወእብ ትግረይት “ሕሳል ዓፍየት” እበ ልብል ዕንዋን ለዳለ ክታብ እብ ሰበት ሆመት እግል ነኣምሩ ለወጅበነ አሳሲያይ መሳእል” ለከሰሰ ምኑ እንዴ ሐሬነ እግል ንቀድም እኩምቲ፡ ክቅራኣት በኪተት።

ዲብ ከረም ሰነት 1871 ምርት ሻብ እግል ልቅረኢ ክታብ ሀረሰ፡ ዲብል ክታብ ዐሰር ክልኤ ከልመት ቀርኦ፡ እለን ከሊማት እለን እግል ሰን ሙሰተቅበሉ ብዘሕት ተረት ዐለት እለን። ለሻብ ደረሳይ ናይ ሕክምነ ዐለ፡ ናይ ደንገበ እምትሓን እግል ልውዴ ወቅት ቀርቦ እቲ። እብ ክሱሰ ሓሪቱ እት ለሕሰብ እት ሆመት ትክረ፡ ሐቆ መድሐራቹ ከኦፍ እግል እውዴቲ? ተጅሪቦቹ እብ እሰው ገበይ እግል እክተባቲ? ወርዘቅዬ ህዬ እብ አየ ገበይ እግል እክሰቡ ቲ ለልብል ሰኣላት ረኣሱ አዶሪየ ዲቡ። እብሊ ህዬ ሰኢ ትሻቀለ ወእት ትርድት ሆመት ትካረ። ምናተ እብ ሰበብ እለን ለቀርኦየን ዐሰር ክልኤ ከልመት። ምን ግሙ ለትወቀለት ደረጀት ለበጽሐ ሐኪም እግል ልግበእ ቀድረ። ለሻብ እት ዐለም እምርት ለገብኣት “ጃንዝ ህዊኪንዝ” ለትብህል መድረሰት አሰሰ። ወእግል ሰኢን እት ጃምዐት ኣክሰርድ ናይ ሕክምነ ኡሰታዝ እንዴ ገብኣ ሸቀ። ወእብ መልክ ናይ እንገልተረ “ሴር” ለትብህል ሺመት ሕሸመት ተህየቡ። እተ ክምሰልሁመ ሐቆ ሞተ ሲረት ሐያቲ እት ክልኣት ዐባዩ ሙጀለዳት በህለት ሾልዩማት 1466 ሰፍሐት ለከምክም እንዴ ትኩተበት ትነሸረት። እሊ ሻብ እሊ ‘ሴር ኦሰለር’ ለልትብህል ምርት ምን ዲብ እለ ዐለምነ ሰኢ እሙራም ላቶም አንፋር ቲ።

ለዐሰር ክልኤ ከሊመት ለእለን ቀርኦ፡ ዕውትት ወሆመት ለኣለበ ሐያት እግል ልንበር ለሰደያሁ። እብ ምርት ምን ዐባዩ ወእሙራም ላቶም ኬትበት። ወድ እንግሊዝ “ቶማስ ካርሌል” ለትኩተቡ እት ገብኣ። እለን ተልያተን። “እት ረዩም ሃሰሰ አው ዕውድወድ እት እንቲ ለልትረኢነ ሀደፍ ኢነኣትቃምት። እሊ ምሰልነ ወእት ኢዲነ ለህለ ወክም ጀህራይ ለበየነ ሸቅል ነኣትም” ልብል ዐለዩ። እሊ ኩሉ ነጅሕ እግል ለሐቅቅ ለሰደዩ ምስጢር ሚ ገብእ መሰለነ? ህቲ እሊ ሱኣል እት በልሰ። “ነበር እት ሕዳድ የም ቲ” ልብል። “ሴር ውልያም ኦሰለር” ክም እለ እት ልብል ሚ በህለቲ ቲ? ቀዳሚት በህለት ለሐልፈት ሐያትክ። ምን ኬን ሐዳር ልክፈ። አዜ ምሰልክ ሰበት ኢህሌት። ሓሪትመ (ሙሰተቅበል) ለባብ ድበእ ምን። አሰክ እለ ውልድት ሰበት ይህሌት። ከእት

ርሕክ እንዴ አቅበልኩ። እግል የም ሌጠ ንበር። ወእብል ገበይ እለ። ሰላመት ናይ እለ ሐቲ አምዕልክ ድመን ልብል። ደክቶር “ኦሰለር” ክም እለ እት ልብል እግል ሓሪት እስትዕዳድ ኢንውዴ ወኢንሕሰብ እበ በህለ ኢኮን። በህለት እሊ ተሌ ሰበት አትዐረ። “እት አፊት ሓሪት እግል ንብጸሕ ዶል ነሐዜ። ናይ የም ሸቅልነ እብል ሐሰት ገበይ



እብ ከማል ወተማም ነኣትም” ሙ። እለ ህዬ ለሐቲ ወለሐሰት ለአሰክ ሓሪት ትነሰኣነ ገበይ ተቃርብ ሰበት ተ” ቤለ። ደክቶር ኦሰለር ነሲሐቲ ክም እለ እት ልብል ወሰክ እቲ። አሰቡሕ ዶል ለምን ስኩብኩም ትፈዝዖተ። እለ ናይ ዒሰ ወድ መርየም ደዐ ወደው። “ያረቢ እለ የም ለነኣልፍ እበ ሕበዘት ኢትክለኣነ” በሎ። እለ ደዐ ዶል እንርኤ። ሕበዘት የም ትብል ህሌት እት ኢኮን። ናይ ማሌ ሕበዘት ኒኢሻ ዐለት። ጥራይት ዐለት። አው ሓረት ዐለት። አውመ እለ ሰነት እለ ዝላም ሰበት ይዐለት ሐጋይ እለ ሰነት እብ ከፎ እግል ንሕለፍቲ። አው ህዬ እብ ገሌ ሰበብ ምን እለ ወዘፈቹ ምን እበጥር እብ ፈለል እግል ኢሙት ቲ። ከሚ እውዴ? ትብል ይህሌት። እለ ደዐ ሕበዘት የም ሌጠ እበ ትሰኣል ህሌት። ሰበቡ ህዬ። የም እግል ንንበር ለተኣቀድረነ እለ ናይ የም ሕበዘት ሌጠ ሰበት ገበኣት ቲ።

እለ ህግዩ ናይ ዒሰ ብዘሓም ትቃወመው። “.....እብ ፈጅር ኢትህመም። ፈጅር እግል ረሐ ናሰ ሰበት ተህምም። ሸር የም ሌጠ ልክለኣነ” (ማትያስ 6። 34)። ዲብ እለ ህግዩ ናይ ዒሰ ለልትቃወም ክም እለ ልብሎ። “ከኦፍ እብ ሓሪት ኢነህምም። እግል ንህመም እበ ወጅበኩ። ወመዳሊትነ እግል ንውዴ እለ ብእትነ። እግል እዋን እብርነ ለለኣትሐዜነ ማል እግል ንወፍር ህለ እነ። መሻሬዕ ናይ ሙሰተቅበልነ እግል ንህመም

ወእግል ንኤትን ለኣትሐዜነ”። አማን ቲ። እብ ሓሪትነ እግል ንህመም። ወእግል ንሕሰብ። ወእግል ንኤትን ለኣትሐዜነ። ምናተ ትትኣቤ ለህሌት እት ሆመት እግል ንትክሬ አሉብኩ። በህለት ሚርሐትነ እተ ለሐልፈ ሐርብ እግል ሓሪት ብዘተሕ ሐሰበው ወከጠጠው። ላኪን ኢህመው እበ። እሊ እብል ከሰሰ “አሚራል ኤርንስት ኪንግ” ሚርሓይ በሕርየት አሚሪክ ክም

እለ ልብል። “ለሐሰው ዐሳክር እብ ለሐሰሰ ሰላሕ አዳሌት። ወእብል ሐሰት ገበይ ወጀህሆም። አነ ለእውድየ ወሐሊቹ ላተ እለ ሰበት ቲ። ምን እለ ወኪን ምን አመረ ለባክረት ተርቀት (ቀርቀት) እሶም ምንገብእ። ወእግል አድሕነ ምን ሐሊቹ ወለዐል ሐቆ ትገብእ። ወእግል ትቅረቅ ሕኩም እተ ህለ ምን ገብእ። ከእግል አድሕነ ሐቆ ይእቀድር። በደል እት ሀማት ወሸቀላት እትካሬ ወወቅቹ እት ለሐልፈት አበድዩ። እት ለሕሉል ወእብ ለናይ ሓሪት ኤታን ምን ሐሰብ ለሐይሰኒ። ምን እለ ወኪን ዲብ ለሐልፈ መሳእል ሆምም ወእትሻቀል ምን ዐሌ ዲብ እለ እዲነ አሰክ እለ ወኢጸነሕት መሰለኒ።”

እት ወቅት ሰላም ልግበእ ወእት ሐርብ። ለኣግደ ፍንቲት ፍንጌ ሰኢ ወእኩይ አው ፈዳብ ወሐምቅ አፍካር ለህለ ረኢነ ምን ገብእ። ለሰኔት ፍክረት ዳይመን አሰባብ ወፍገሪታት ለትግልጅ ወዲብ ክጠት ሰለመት ለተኣበጽሕ እት ገብእ። ፍክረት ለሐምቀት ላተ እት ሆመት ወሻቀሌብ ወምኑ ወኪን እት ሓለት መወሸወሸ ወብቲክ ሰእየት ለተኣበጽሕ ቲ። መቃብለት ምሰል ‘አርሰር ሂዝ ስልዝበርገር’ እግል እውዴ በክት ረከብኩ። መዳልያይ ጀሪደት “ንዮርክ ታይምስ” ሐቲ ምነ ዐበዩ ጀራይድ ዐለም ዐለ። እተ ህጅክነ ክም እለ ቤሌኒ። “ካልኣይ እድንያይ ሐርብ እተ አሰተብደ እቲ እዋን። ፈርህት ወርዕብ

ተሓበሬኒ። ከኣብሊ ሰበብ ሰኩብ በዴኒ። ሆመት እግል አብዴ ላሊ ምን ዐራቹ እንዴ ቀነጽኩ ወረቀት ወቀለም እነሰእ ወዲብ ቀደም መዐፍየት እንዴ በጠርት ርሕዬ እረሰም እትመዩ ዐልኩ። አነ ረሰም አምር ይዐልኩ። ምናተ ምነ ሆመት እግል እትባለሕ እንዴ እበ እውድዩ ዐልኩ። እላመ ምን ወዴኩ ሐቲ አምዕል ሰላም ወራሐት ወሰኩብ እንደ ይእረክብ ወምን ሆመቹ እንዴ የአባሬ፡ ዲብ ምርት ክታብ

ለረከብኩህ ደዐ ምነ ሰለሰ ዘዐት ሐፈዝኩ። እለን ዝሆታት እለን ከም ሸዓርዬ ነሰኣክወን። ወኣክለ ሆመት በዝሐት እቹ እደግመን ዐልኩ። ወእብላዬ ተግፊት”። ለዝሆታት ክም እለ ልብል ዐለዩ። “እንቲ በርህት ሕሳልዬ ጽበጠ። ወከዋወትቹ አሰብቲ.....። ምን ሐረሰ ወኪን ለህሌት ዲብ መግሆፍ አሉብዬ.... ሐቲ ምስዳር ትክሬኒ”። እለን ተን ለዝዕታት። ልተላሌ. . .

ልባብ ይሰር ወዕስር ክል ዶል መታሊት ቶም


አሮት እናስ ድግለል እት ረኣሰ አሮት ደብር ነብር ዐለ። አሮት ፈረሰ ዐለ እሉ ወእለ ፈረሰ ምን ቅያሰ ወለዐል ፈትዩ ዐለ። አምዕል ሐቲ ለፈረሰ ፈረገ ምን። ጀወርኑ እለ ጋር እለ ክም ሰምዐው እትሊ አክይለ በክቲ እግል ለኣትሳጅዕው እብ ተርተረት አሰር አሕድ መጸው። ህቲ ህዬ እምበል አሰፍ እለ በክት ሰኢቲ መበክት እኩይ ሚደሌኩም እቲ። ቤለዮም። ሐቆ ገሌ አምዴላት ለፈረሰ ክራም ናይ አፍሩሰ ከደን እት መርሕ አቅበለዩ። ለጀወርኑ ህዬ እብሊ ሰኢ በክቲ እግል ልድሐሩ ዶል መጸው ብዘተሕ እንዴ ኢልትፈገዕ ወኢፈርሕ። ከእለ መ በክት ሰኢ ክም ቲ ምን ደለዩ። ቤለዮም። መደት እንዴ ኢተሐልፍ ለመንደላይ ጀናሁ አሮት ምንለ አፍሩሰለ ከደን እት ለኣትሰቤ ምንለ ረኣሱ ሰበት ወድቀ እግሩ ትሰበረት። ከኣብሊ አክይለ በክት እግል ለኣትሳጅዕው ምን መጸው። እብል ጋር ብዘተሕ እንዴ ኢልትሻቀል። እሊ አክይ በክት ክም ቲ ሚ ደሌኩም እቲ። እት ልብል በልሰ እቶም።



ሐቆ ሐዳት ሳምንታት ወራር ሰበት ቀንጾ ክሎም ሸባብል ዐድ ዲቡ እግል ልትፈረር አዋምር ተህየበዮም። ምናተ ለጀናሁ ሰብር ሰበት ዐለ ሰማሕ ተህየበዩ ወእትሊ ሐርብ ብዘሓም መንደሊታት ትማየተው። ወክም እለ እለ ረኢነ በክት ሰኢ እግል አክይ በክት እት መርሕ ወኣክይ በክት እግል በክት ሰኢ መንገኣት እት ፈትሕ ለጋር እምበል አትካራም ወደንገብ አተላለ። እሊ ህዬ እትሊ ድግም ሌጠ እንዴ ኢገብእ እዲነ ክምሰልሁተ። ከሰብ ለለቢብ እለ እዲነ ብዘተሕ ሰበት ኢልትፈገዖ እሉ። እት ዶል ፈርሐት ብዘተሕ ኢበርጅ ወእት ወቅት እኪትመ ምን ቅያሰ ወለዐል ኢሊሐዝኖ ወኢፈጅዮ። እሊ ህዬ ለሳድፋሆም ተዩልል ሰኔያት ገብኣየ ምን ገብእ ምረሐረን ሚ ህሌት ወእኩያትመ ገብኣየ ምን ገብእ ምን አመረ ረቢ ክም ፋትሐት ኬር ካሪሆን እቶም ክም ህለ ሰበት ኢለአምር።

ተበሰም

ሐቲ እሲት አሰብሕ ምን ስኩብ ክም ቀንጸት እግል ብእሰ ክም እለ ቴላ ቲ። የም አምዕል ሻም ቲ። እንተ ስልሰለት ደሀብ እብ ኣልማዝ ለትዐራቤት እት ተህይበኒ ተሐለምኩኩ። እሊ ሕልምዬ ሚ በህለት ቲ። ብእሰ ህዬ። ከላሰ



ሰብር ውደይ ተፍሰርለ ሕልምኪ የም ምሴት እግል ተአሚሩ ቲ ቤለዩ። ምሴት ምን ሸቅል ዶል አቅበለ ዲብ እዴሁ ዕልበት ሰኢ ግርም ጸብዋ እት እንቲ ረኢቲ። እለ ሀድየትላ ዒድ ተ ቤለዩ ወመጠያተ። ለዕልበት ምን ፈትሐተ ፈሰርት ሓላም ለአርእሱ ክታብ ጸንሐዩ።



ክል ምር ከመንበርሁ ትጥዕም እቱ

ሀበይ ወሾክን መንበር “ሰታይክ እሊቱ መብዕድ ዐድ ሕድ ቀበው። ከሾክን ብከ።” ሀበይ ህዩ “እሊ ሌጣ



እት ሀበይ መጽአት ለመንበርሁ እግል ትግኑሕ ወእግህ ምሰሉ ትገሴት። ወእግል ሀበይ ቴሉቱ። ማይክ ዲብ አየ ሀሌ። ምን አየ ትሰቱ ክምሰል ቴሉቱ። ህቱ ህዩ ማይ ኮከን አርአየ ከምን እሊ ሰተይ ቤሌ። ህተ ህዩ ሰቲሁ አቤት። ወህቱ እሊ ማይላ ኮከን ምን አሰቱት ዘዌቱ ገቢእ እንዴ ቤሌ። እት ማይ እትመት መርሐየ። ምናተ አዜመ ምን እሊ ማይ እሊ አሰቱት እሉ። ሾከን ማይ ኢትሰቱ ሰታየ ወልወል ቱ። ወእት ምድርለ ሀበይ ወልወል ኢረክበት። ሳሶታት ምን ገብእ እተ ህዩ ለምድር ኢፈቴቱ። ሐቆህ ሾከን ዲብ ሀበይ እንዴ ትወለበት ቴሉቶ

ሾማል ሄረዮም ቴሉ። “ሰታይ እሊቱ” ቴሉቱ። አብገሐሩ ህዩ ጸሓይለ ሰሕል ክምሰል ጩፊቱ ወምድር ክምሰል ሐፍነ ዲቡ ወወልወል አርወየቱ ክም አቤ። እግል ሾከን ክእነ ቤሌ።

“ሰታይክ ልእኬ ወሾክንት ሰታይ እትመት ቱ ወትክት”

ወእለን ክም ቤሌ እብ ለካቤት ልቡ እንዴ ትቀመሽ እቱ ሞተ። ከእብላተ ክል ምርት መንበርሁ ትጥዕም እቱ ለልትበህል።

ቱ” እሊ ወክድ እሊ ሾከን እግል ሀበይ ክእነ ቴሉ። ሰታይክ ልእኬ ወአብገሐሩ ሽታይ ሸማልቱ እብ ወልወሉ ሀበይ ህዩ አናመ ሰታይኪ እግል እርኤ እንዴ ቤሌ ምሰለ ጌሰ። ሾከን ህዩ እግል ሀበይ እት ሰሕል ትክሬት እቡ ወእት ደበት ውቅል እንዴ ፈግረት እቡ



ሐምቅመ ለሐምቁ ቡ

ህመም እግል ወልዱ እት ሐቱ አካን ሓድጉ ዐለ። ወእግል ለወድ ህመም ሐርማዝ መጽአየ ከእብ እግሩ እንዴ ኬደዩ ወእንዴ ደዐከዩ ቀትለዩ። ወእግል ህመም መውዲታይ ወልክ ሞተ እት ልብል አሰለአለዩ። ህመም “ወልዩ ምን ቀትለዩ?” እንዴ ቤሌ እግል

ምንመ ቤለዩ። ህመም ላተ። “ያየ ወልዩ ዐጣል ሌጣ ቱ ለቃትሉ ህላ። እሊ ውዳይ ዐጣል ቱ።” ከህመም መርግት ወልዱ እግል ለአሰቅን እት ዐጣል እንዴ ጌሰ መድብ ወደዩ። ህመም ለወልዱ ሐርማዝ ክም ቀትለዩ ለአምር ምንመ ዐለ። እግል ሐርማዝ ሐለቱ ምን ኢረክበ እት ዐጣል



ለመውዲታይ ትሰአለ። ለህይ ህዩ። “ወልክ ሐርማዝ ቀትለዩ” ቤለዩ። እሊ ለሰምዐ ህመም። “ወልዩ ገድም ሐርማዝ ቃትሉ የሀለ። ዐጣል ቀትለዩ ሌጠ” ቤሌ። ወለመሰአላይ ህዩ። “ኢትን። ወልካዲ ሐርማዝ ቀትለዩ”

አመሰመሰየ ለመርግቱ ከዐጣል ቃተሉ። ወአሰክ አዜ ክምሰልሁ ገብእ። አዳምመ ምርት ምኑ ለልደቀብ ክም ዐገቦዩ ሐለቱ ምን ኢረክቡ። እትለ ምኑ ለሐውን ቀንጽ። ከእብሊቱ ሐምቅመ ሐምቁ ቡ ለትበህል።

‘አቡክ በልዐ እብከ’

ህመም ወወድ ሐሺል ምሰል ዐለው። ከህመም ዐጣል ረኤ። ደአም እግል ኢልቅተል ምኑ ሐራም ፈርህ። ወሐር እግል ወድ ሐሺል ትሰአለዩ። “ሐራም እት ሚ ፈርህወ ወድ ሐሺል።” ወድ ሐሺል ህዩ ቤሉ። “እት ተርፍ ፈርህወ” ክምሰል ቤለዩ። ህመም “ተርፍዩ ኖሱቱ” ቤሌ ወእት ለዐጣል ሰዐ። ከእት ሐቱ ጠሊት እግል ልሰረር እት ለሐዜ እት ክርሚደት ወድቀ ወህተ ዐቀቱ። ወህመም ክም ተዐቀቀ። እግል ወድ ሐሺል ቤሉ። “ሐራም እት ተርፍ ፈርህወ ኢቱልከኒ። እግልሚ አነ ሙትት እቤ” ክም ቤለዩ። ህቱ ህዩ “አቡክ በልዐ እብከ” ቤለዩ። ሐቆህ ህመም ሞተ። ከምን እሊ ድግም እሊ ክልኤ መሰል ተርፈዩ። “ሐራም እት ተርፍ ተ ቤሌ ወድ ሐሺል” ልብሉ። አው ህዩ “አቡክ በልዐ እብከ ቤሌ ወድ ሐሺል” ልብሉ።

መዐሰላመ ሰንያም

ሻዕር፡ ፋይድ ወድ ሳልም (2ይ ክፋል)

ሸለክ ምን አካነ ቀይም በኪት ወአድሐረ በዐልዩ ሐሊም ወክሪምቱ ምን ጁዱ አንዘለ ረቢ ልርሕሙ ለገብር ሐቆ አሰበረ ምን ረአሰ ቢሸ ወአቢዐት አቅበለቱ ለዐሰተረ ለቤት ትቤ ወሄረረት ዮም” መ እበ አሰረ ምን ቡሪታይ ወሽብዓለ ክልኦት ለግድም ተዓረረ ሞልዳይ ተምን ‘ግል ወልዱ ደለ እሉ ትሞለለ ምርክ ናግፍ ወሳይዱ ሰብኡ እግር በደለ ምን ሰማን እት ሰማን ድባላቱ ተአሰረ ኢቃዩደ ዲብ ገበይ ሰብ አማን ናሽለ


ክልኦት ሰወቲት ሐሰት ሚቦም ወበረ ሶታይ አምዕል ሐሊባይ ህቱቱ ለሰበር አሰረረ እግል ከቢነት የአትጋውሐ ዕሉም ቤሌ ከአሰቀረ ምን ሰብዐት ለጀዱ ዶልክ ጀድ አሮ አፍገረ ህዳይ ምንመ ተዓረረ አክል ሶታይ ኢከረ ላሊ እንዴ ትለበሰ ቀደም ጣኔሕ ይዐለ ወድ እንሳህ ሀጃናይ ምን በዐሉ ተዐደረ ጋር ወደ ይእንደሌ ወለ እሱል የአመረ።

ምን በዐሉ ተአገመ ጠርነ ገመል ዐድ በድር በዲር ምሰል ለኢጠዐን ሐሬመ ምሰል ኢለሐድር።

ድርህይ ወረብ ዐጌታይ ዲብ መዳይን ተዓየረ አመቅረብ ዶል ሰላተ እብ ዐጌታይ አክበረ ድርህይ ድቤ ኢለአሰትህል እተ ሸፍር ወአበረ ጌጋቱ ለእቡ አድቦዩ በዐሉ ድርህይቱ ይአምሰለ ድርህይ እበ ሰማኑ ተእሪክ ሰኒ አፍገረ ድርህይ አምዕል መሰኢቱ ለፈጅር ሐብል ናተለ ገዩት በዐሉ አምራቱ ለኮር ሐቆ አፍገረ ሐሊባይ ወካድሮም ወአጅላብ ምን ልትወረብ አሰረ ፈጅርለ ሰርገህ ለዐሰከር እበ ድመረ ሰዳይረ ፍረውቱ ሰሞክንዮት ክምሰልህ እግል መሞአ ከሞጀ ቀራራቱ አሰደረ ሐቆ ረአየ ለሚጀር ‘አኬ’ ቤሌ ከአፍጠረ ምን ረከቦም ትከየፈ ድርፋታቱ ሳበረ በዲር ሰብኦ መዕዳድ ቱ ወአዴ ኩሉ ሓሽለ ገመል ሰብኡ ሚ ኢለአሰኔ ለአንሰሰ ሐቆ ዐለለ ዝያደት ሰኔት ኢነአቤ መርሐባቡ ለፈዐለ።

ላኪን ገመል ሸግወ ወሐሬ ገይሶ በደለ ልቡይ እንቱ መሞአቡ ሰኒ ሐቆ ተዐደለ መትነፋፋር ምለዐል ኮር በዐሉ ሞዕኔ ይአመረ እግል ሐሬ ልትባደር አዳዲ ሞዕኔ ወትመሀረ ሰኒ እንቱ ለአሸታቱ ገሩን እት ቤት ተዐግለለ እት ሰር-ሐሊቡ ደብጠዩ ምድባጡም ይአመረ መልሀይ ክእነ ኢውዱ ገመል ነቅዐ ወትከኦረ ለክሸ አፎ ይሐደግክሁ ገጥነ ወራር ምዐለ ገርገር ቤሌ እት ገጠን ሰዳሳቱ አፍገረ ኡብሪቼ ቤሌ ከበጥረ ገሩን ቀትልቱ ይአምሰለ ቀሹቱ ለእቡ ደበጥክሁ ገሩን እንዴ ተሀመለ ህቱዲ እሊ ትወዴ ወአምሰለ ወክድ ለእለ ሐሰልክሁ ለቅልጭምክ ወገለ።

ምን ሐጠር ትታሌ ጎርነ ክራይ ሚ ዐለ ሐነ ለሓባል አውሕዱ ገመል አፎ ተአሰረ ለባባትክ ኢትሳድድ ህዳይ በዲር ተዓየረ። ለሊት ለደብነ ኢሰክበት እት ትብሉ ለበህለ ምን አብቀትል ወደንፋይ ቡሬ ክልኦት ጀፈረ ዐቅቡ ንጡፍ ወአውሐታይ ደግሀት ምን መዐደለ ሕብዕቲታት ወወድሸው ሐለብል ጠዐደ ሰርሰረ አሰገታታት ወጌላን ሸለል ኬዴ መሐደረ አነ ሻክት ምስሓየት ዐንሰባ ተ ወደረ ሸበሽብ ለሰለሰ ከሌቡ ዲብ ገጩ ትግጠረ በዐሉ ንግፍ ኢሐዴ እምበል ፈርሽ አክረረ ንሞዩ ትከረዐ ምን ሐብሐብ ወእርብድ እንሰ ቃተሉ። ትተላሌ . . .



ሻምፕዮን ኮቦራት እግር አቅሊም ምግብ አንባታ

ሻምፕዮን ሱፐር ድቪዥዮን 'ኤ' ኮቦራት እግር አቅሊም ምግብ ሰነት 2024/2025፣ ማሌ ለሀ ምን ገጽ ምሴ ዲብ ስታድዮም አስመረ አንባታ።

እተ ምዕል እንቡተትለ ትልህያታት ሻምፕዮን፣ ፓራዲዞ ወቅቀት ጀው ተልሀው። እተ ቅቀት ጀው (ክንፊ) ትልህያ ግርም ለአርአው ዲብ ምሴት፣ ቅቀት ጀው እት ሳብዓይት ደቂቅ ምን መሃጅም ያሬድ አብረሃም ምን ጽባብሐም ማርሒት ለአጽብጠዮም ጎል ረክበው። እሊ ፈሪቅ፣ ደርብ-ሕድ እት 30 ወ37 ደቂቅ እብ ሴም መሓሪ ክልኦት ጎል እንዴ ወሰከው። 3-0 እግል ዕርፍ ሕሳል ማርሒት እት ዋሉ ፈግረው።

እት ካልኦይ ሾት ለትወሰከ

አግዋል ሰበት ይዐለ ህዬ፣ ደግደገት ለገብኦ ፈሪቅ ፓራዲዞ ዳንን እት እንቱ ወቅቀት በሐር ህዬ፣ ሰለሰ ንቅጠት እንዴ ከሰበ ለትልህያ እብ ዐውቴሁ አትመመዩ። ነፈር ፈሪቅ ቅቀት ጀው ኬሸን በረኸት ህዬ፣ ለሐሰ መተልህያይ ጅግራለ ምሴት ለሀ ገብኦ። ምን ቅቀት ጀው መሰጅለትለ አግዋል ሴም መሓሪ፣ ያሬድ አብረሃም፣ ክምሰልሁመ ላሚክ መሰፍን ለሐሰት ትልህያ ለአርአው መተልህያት ቶም።

ቀደም እለ ትልህያ፣ እግል ዝክረት ፕሮፌሽናል መተልህያይ ናዲ ኮቦራት እግር በሐር ቀየሕ ሸሂድ ሰሌማን መሐመድ (ሰጅይ) ለትዝመ ናይ ካልእ ዱረት ትልህያታት ምኑመ፣ እት ፍንጌ ገዳይም መተልህያት ፍረቅ በሐር



ቀየሕ ወናዲ ኮቦራት እግር ዐንሰበ ናይ ከረን ትልህያ ገብኦት። ፈሪቅ በሐር ቀየሕ ህዬ፣ እት 33ይት ደቂቀት እብ ዮናስ አለም፣ እት 75ይት ደቂቀትመ እብ ሄኖክ አብረሃም እበ አተዩ አግዋል። እግል እት 61ይት ደቂቀት እብ ዳዊት ክብርም ምር ጎል ለአተ ፈሪቅ ዐንሰበ 2-1 ሳርሐዩ።

እት ትልህያ ቴንሰ-ምድር፣ ትልህያታት ካስ ደዋር ገብእ ሀለ



እት አቅሊም ምግብ፣ ክልኦቱ አዋልድ ወውላድ እብ ኩሉ ዓማር ለአሻረክ ጅግራታት ቴንሰ-ምድር ገብእ ክም ሀለ፣ ዕላቃት ዓም ፈደሬሸን ኩረት ቴንሰ ሐበረ።

እትሊ ናይ እንዴ ደሀክከ ሐሊፍ ጅግራታት፣ ሰለሰ ናዲ በሀለት ናዲ ደምቤ ሰንበል፣ መሕበር ኩረት ቴንሰ አስመረ ፍርዕ ቤት ገርጊሱ፣ ክምሰልሁመ እግል ሰልፍ ኢንቱ ሻርክ ለሀለ ናዲ ቴንሰ-ምድር ቅቀት ጀው ኤረትርዩ ልትጃገር ሀለው።

እተ ሐልፊት ሰንበት ንኢሹ፣ ናዲ ቴንሰ ቤት ገርጊሰ ናይ ምንተሐት 10 ሰነት ወላድ ጅግራታቶም ዋድያም ዐለው። እምበልሁመ ለጅግራታት ዓማር ብዙኦ ምን ወላድ ወአዋልድ ለሸምለ እት ገብኦ፣ ቅድረት

ቴንሰ እት ነኦይሽ መተልህያት ምን አዜሀ እንዴ ትሌሌት፣ መውሀበትለ አጅኒት ምን ጽባብሐ እንዴ አመርኩ፣ ኤረትርዩ እብ ኩረት ቴንሰመ መትጃግረት ላቶም መተልህያት እግል ተአፍሬ እንዴ ትበሀላ ቱ።

ለጅግራታት እተ ምን 10 አሰክ 15 ሰነት ለዓማርም አጅኒት ለአተንክበ ወመጃገረት ሰኔት ትትረኤ ዲቡ ለሀሌት ክምሰል ቱመ ለበጽሐነ ከበር ለአክድ።

ኩረት ቴንሰ በሀለት ኩረት ህርዲ፣ እት እዲነ ምን ገጸን ቀደም ልሄርረ ለሀለዩ ትልህያታት ዐለም እት ገብኦ፣ እብ መጅብ ድወል፣ አሚሪኩ፣ ቻይኩ፣ ሩሰዩ ወጀርመን ምን አውለውየት ለልህዩቡ ወመትፈርጀት ብዝሓም እት ረክብ መጽእ ለሀሌት ትልህያታት ተ።

ፕሪመርሊግ እት 10ይት ሳምንቱ

እተ ሐልፊ ሰነብት ለድቁብ ፍረቅ ፕሪመርሊግ ናይ 10ይት ሳምንቱ ትልህያታቱ ዋዲ ዐለ። እትሊ ገሌ ፍረቅ ዲብ ልደሀር፣ ለሐዋን ትብሉ ፍረቅ ህዬ ሰመ ለዐርገ ዲብ ወእግል ድቁብ ፍረቅ ሀረከት ለአንደኦ እቱ ትልህያታት ገብኦ።

መሰለን ምልሸሰ ወክሪሰታል ፓላስ ለትዓደለው እተ፣ ቦርኔማውዝ እግል ማንጅሰተር ሲቲ ለአጅገሐ ዲብ ምሴት፣ ናቲንግሃም ፎሬስት እግል ዌስትሃም ለአጅገሐ እተ ትልህያ፣ እተ ሐልፊዩ ሰነትብ ምን ትረኦ ዐጃይቦታት ዐለ።

ናቲንግሃም እግል ኡዲሰን አልቫራዝ እብ ከርት-ቀዬሕ ለትጠረዝ ምኑ ዌስትሃም፣ ግረ ባቅዩት ክም ረክበ 3-0 ሳርሐ እት ሀለ፣ ኤፕሰዊት ህዬ ምሰል ሌሴሰተር ተዓደለ። ወእብሊ ቶተንሃም አሰቶንፕላ



2-1፣ ፍልሃም እግል ብሬንትፎርድ ወሌሰተር ሲቲ 1-1 ደርን ፈግረው። እምበልሁመ ማንጅሰተር ዩናይትድ ወፔልሲ 1-1፣ ምልሸሰ ወክሪሰታል ፓላስ 2-2፣ ክምሰልሁመ ኤፕሰዊት



ሰቡረት ፕሪመር-ሊግ

1. ሊቨርፑል	25 ንቅጠት
2. ማንሲቲ	23 ንቅጠት
3. ናቲንግሃም	19 ንቅጠት
4. ፔልሲ	18 ንቅጠት
5. አርሰናል	18 ንቅጠት
6. አሰቶንፕላ	18 ንቅጠት

4-1፣ ሳውዛምፕተን እግል ኤቨርተን 1-0፣ ናቲንግሃም ፎሬስት እግል ዌስትሃም 3-0፣ ቦርኔማውዝ እግል ማንጅሰተር ሲቲ 2-1፣ ኒውካሰል እግል አርሰናል 1-0፣ ሊቨርፑል እግል ብራይቶን



ዱረት ቀበታይ ክፋል አርድ ሀዳአት ለአርድ

እት ጃምዐት ግብረታይ ካሊፎርንያ ለልትረክቦ ሰብ መቅደረት ዕልም አርድ፡ ዱረት ናይ ኮርሰ ክፋል አርድ ምን ሰነት 2010 እንዴ አንበተ ምን ዱረት ጠፋሐት አርድ እግል ልሀዳእ ክም አንበተ፡ እት ረክበዉ እሰባታት እንዴ ተንክበው ሐበረው።

እተ ድራሳት ለሻረክ ፕሮፈሰር ጆን ቪደል ምን እብ ትሉሉይ ዲብ መቀየሲ አንቀጥቀጢን አርድ ለረክበዩ እንዴ ትበገሱ፡ ዱረት ቀበት አርድ ሐቆ 40 ሰነት ዲብ ሰነት 2010 እግል ልሀዳእ ክም

አንበተ ሸርሐ።

ናይ ከሰርሰ/ቀበታይ ክፋል አርድ እብ ሐጺን ይቡሰ ወኒከል ለትበነ እትገብእ፡ ናይ ከደን ክፋሉ ህዩ እብ ሐጺን ማክክ ወኒከል ለትከለለ ክምቱ ልትሀደግ። እሊ አክል ወሬሕ ለገብእ ጠበቀት ለቡ አርድ፡ ምን ጠፋሐት አርድ 4,800 ኪሎ-መትር ገጽ ተሐት እተ ልትረክብ ቆሪነ ለሀላቱ።

እሎም በሕሲን ህዩ እግል ዲብ ቀበት 30 ሰነት ለአክበዉ ሐብሬ ናይ አንቀጥቀጢን አርድ ዲቡ እንዴ ተንክበው፡ ሓለት ቀበታይ ክፋል አርድ እግል ልፍሀም

ቃድራም ሀለው። እሊ ሀዳአት ቀበታይ ክፋል አርድ እብ ከአፎ ክም መጽእ እብ ዋድሕ እግል ለአምሮ ምንመ ኢቀድረው፡ እብ እግል ይቡሰ አርድ ክሉል ለህላ ፊሻይ ሐጺን ለመጽእ እግል ልግበእ ክም ቀድር ላኪን ወግም ቦም።

ህቶም እንዴ አትለው፡ እሊ ሀዳአት ቀበታይ ክፋል አርድ እግል ሪም አምዕሎታት እብ ካልኢታት (ሳንዶት) ለኢመልእ ወክድ እግል ትቀይር ክም ትቀድር እት ሸርሐ፡ ለአንትቡም እተ ሀለው ሀዳአት፡ እግልሚ ክም መጽእት እግል ለአምሮ ድራሳት ክም ወዱ አትአመረው።

ሐዲስ ደወ ሕማም ርሰዔ እት ዐዳገ ልትከሬ

እዳረት ነብረ ወደወ አሚሪክ ሕማም ርሰዔ እግል ለትአክር ለቀድር 'ዶናማብ' ለልትቡህል ደወ ሐዲስ እትሊ ወሬሕ አክቶበር እት ክድመት እግል ልውዕል ክም ሰምሐት ተሐበረ። እዳረት ነብረ ወደወ አሚሪክ እግል እሊ እት አትአካር ሕማም ርሰዔ ለልውዕል ደወ ዲብ ዐዳጋታት እግል ልትከሬ ለሰምሐት አኪ እግል ካልኢይት መረት ክምቱ ትሸረሐ።

ደወ 'ዶናማብ' ሕማም መትረሰዮት እት ሀወኖት ሰኒ ክምቱ ቀደም ሰነት እመር ምንመ ጸንሐ እብ ገሌ-ገሌ አሰባብ አሰክ እሊ ጸንሐ። ገሌ እትሊ መጃል ለልትሐሰር ሰብ መቅደረትመ፡ ለደወ እት አትሐየሶት ፈቃዲት ወዳፍዮት ሕማም መትረሳዕ ዶር ክምቡ ሸርሐ።

ሕማም መትረሰዮት ሰበቡ ለኢትአመረ ዝያድ እግል ዐባዩ እብ ዕምር ወዲብ ገሌ ገሌ ወክድ ህዩ ነኣይሽ አንፋር ለልአደሚዕ ሕማም ዐቅል ቱ። እሊ ምስል ወክድ ዲብ ልትኬለም ገይሰ ለህላ ሕማም እትሊ ወክድ እሊ ዝያድ 30 ሚልዮን ለበጽሐ አነፋር እድመዕ ህለ።

ደወ 'ዶናማብ' ሕማም መትረሰዮት ዶል ልትሻበከክ ምን ትነሱኡ ምስል ወክድ እግል ልደቀብ ለህሌት ብቆት እብ 39% ክም ለአንቅሰ ልትሐበር። እሊ እት ክል አርበዕ ሳምን ለልትነሱእ ደወ እግል ዲብ ሐንገል ለህላ መሻክል ዲብ ባልሐት ክም ሰዔ፡ እተ ክልኤ ሰነት ዲብ ሰብ ምራድ ለገብእ ጀርቤ እንዴ ተንክበው ለበሕሲን ሐበረው። እሊ ርኩብ ለህላ ከታይጅ፡ ለሕመማም ሐቆ መደት ሪም ጸር ብዕዳም እግል ኢልግብኤ፡ ከፍሶም ኖሶም እግል ልቅደር በክት ክም ለህይዮም ሸርሐው።

እሊ ዐውሉ ቃሊቱ ልትቡህል ለህላ ደወ፡ ዲብ ገሌ-ገሌ ሰብ ምራድ፡ መትጸባዎ አሰውድ ወመሻክል ክዘፍ ደም እት ሐንገል ክም ሰበብ ለሸርሐው ጀዮት እዳረት ነብረ ወደወ አሚሪክ፡ ለልህይብ መንፈዕት ምን መደረቱ ሰበት ትዘይድ ላኪን ዲብ ዐዳጋታት እግል ልትከሬ ክም ሰምሐው አትአመረው።

ቻይነ እት ትርበት ወሬሕ መዓድን ሐዲስ ረክበት

ቻይነ ምን ወሬሕ እተ አምጽአቱ እበን ለገብእ ብሐሉ ሐዲስ ኖዕ መዓድን ክም ረክበት አትአመረት።

ለመጽእ 1.73 ኪሎ ግራም ለልትመዘን እበን እብ ሰኒ ሐድ ቅያሰ ክም ጸንሐ ተአመረ።

አሰክ አርድ ጋንሕ ለኢልአምር ክፋል ወሬሕ እግል ድራሳት ለትገብእ ትርበት ወእበን እግል ተአምጽእ በርናምጅ




እሊ 'ቻንግሳይት-ዋይ' ለትብል ሰሚት ህይብቱ ለህሌት መዓድን ሐዲሱ፡ እብ እብ 'change5' ለትብህል እት ሰነት 2020 አሰክ ወሬሕ ለትላክኮት ጥያረት ፈዳእ አሰክ አርድ እግል ልምጸእ ቀድረ። እሊ ጥያረት ፈዳእ ሐቆ ሰነት 1970 እግል ሰልፍ ኢት ምን ወሬሕ እግል ድራሳት ለገብእ እበን ለአምጽአት ተ።

እሊ እተ ምን ወሬሕ ለመጽአት ትርበት ወእበን ለትረከበ መዓድን እት ምድር እብ ቅያሰ ሐድ ክም ልትረክብ፡ ህቱ ህዩ እብ 'ሂልዮም-3' ለልትአመር ክምቱ ባሕሲን ቻይነ ሐበረው። ህቶም እንዴ አትለው፡ እሊ ዲብ ጣቀት ክክሉሳይት ዶር ክምቡ ለሸርሐው ጋዜ እት ሀዋእ እብ ሰኒ ሐድ ቅያሰ ክም ህለ ወዲብ እግል ልትበጸሕ ለኢልትቀደር ቆሪነ አርድ ክም ልትረክብ ሸርሐው። እሊ ዲብ መሰተቅበል ክም ዔማት ጣቀት

ጸብጠት ክም ህሌት ትትሃጌ። እምበል እሊ እሊ ደውለት ምስል ሩሰዩ እንዴ ገብአት ዲብ ወሬሕ እግል ድራሳት ለከድም መርከብ እግል ትብኔ ተሐሰብ ክም ህሌት ሰብ መቅደረት ናይ እሊ መጃል ለሐብር።


7 ፍንቲት ሰወር ሕዘው

Can you spot the 7 differences between these two pictures?



Free printable courtesy of PrintFree.net

ሳድስ ወራር እብ ካርቱን



ሙናድጋን ኧሊ ወራር ኧሊ እንደ እፍቻገው ጸጠ መካይቲኛ ኧላል ገንጠው ዕጉ ምን ቅደስ ወ ገዳለ ቃሊ ዐውል ጠ ላገግም። ፊቶ ወራር ንኣርጋ ቀይሜህ ጎካላላው ወራር ደርግ ኧላል ላገገ። 2700 ወገይ ፖርቲጋ ፍዛ ገጠገው። 5000 ህዶ ክጠቱ ወ ቀሊል ደገጠገ ሳይሉ።



ደረጃት እግል ትትረተብ ቃድረት ህሌት። እብ ሸክል ክሪሰታል እንዴ ገብእ ለትረከበ ዔማት ጣቀት እግል ልግበእ ክም ቀድር ልትሀደግ እቡ ለህላ መዓድን እተ ምን ወሬሕ

እግል ልንፋዕ ለቀድር፡ ምር ምን ዲብ ወሬሕ ተዕዲን እግል ልግበእ ዲቦም ልትሐሰብ ለህላ ምህም መዓድን ክምቱ፡ ለሰብ መቅደረት ሐበረው። ቻይነ እት አደም ቅሩብ ምን